

中華民國十九年三月出版

# 寰球圖說史略

北平  
牛街清真書報社發行



# 世界回教史畧序

中州水君子立吾教之翹楚也才長學裕經漢兼優  
需次三秦郵筒往復未嘗不於吾教源流三致意焉  
閒嘗以爲吾教自隋唐入中國以來偉人豪士代出  
不窮不必博考羣籍即取李蓮舫先生所彙清真先  
正言行錄觀之而吾人歷史上之榮譽已覺美不勝  
收則夫自隋唐迄今一千餘年由天方之中國萬有  
餘里其間吾教人材聲施後世者固屬不少而其高  
才絕學湮沒於庸耳俗目姓氏功烈無傳者正多多  
也誠得一博雅有志之士縱觀中外典籍按其時代  
之遠近事業之次第分別門類編年紀月纂爲回教  
歷史或亦爲吾

(2)

聖人靈爽式憑而仰邀

眞主之默相者耳比者子立自秦中來書畧述大著  
世界回教史畧歷十餘寒暑工夫現已告成刻正刷  
印索序於余余聞之狂喜深幸居常思念未嘗之願  
由子立而得償惟是原書共十八章都三萬餘言刷  
印方始無從得窺全豹畧叙子立著書之緣起與  
人得償私願之慶幸弁諸簡端至於文字之翔實考  
據之精鑿布在方策信而有徵若夫筆削褒貶作者  
自具深意予武人也不敢妄贊一詞云

隴右雲亭馬福祥序

自序

是書原著歷十餘寒暑採數十國史雖月緯年經藁  
 未盈乎兩屋而露鈔雪纂紙殆需乎八千然費鉤稽  
 始告成帙連率漫游藏置行篋未或稍離也九丰春  
 日奉陝西省憲劉委赴寶雞縣禁煙突遇匪變  
 行囊書藁盡行損失對於此者已生絕筆之歎方以  
 延津沉劍難吐氣於豐城孰意赤水遺珠終見收於  
 象罔今春三舍弟獻之四舍弟劍光在宛寓門庭藩  
 溷紙筆堆中尋獲舊日積鈔零藁喜鉛槧之猶存付  
 郵筒以相寄惟是斷簡殘篇缺落不完公餘之暇輒  
 復屬辭比事刪繁就簡聯綴成章乃更搜擷東西洋  
 各國歷史參攷書若干種截鶴續鳧逐踵成之雖不

(2) 及原著之詳而大體略已粗具凡分上下二卷共十  
八章都三萬言技類雕蟲識同窺豹懶祭蠹蝕之譏  
魯魚亥豕之訛在所難免草創甫就適友人丁君靜  
菴聞之欣然出囊金仗助力慙慙付剗厠氏未獲藏  
之名山詎能傳諸其人可幸亦可慚也是書緣起因  
感於世界文化興衰晦明之理民族優劣勝敗之數  
以及宗教消長得失之林均與回教有絕大關係不  
惟其功文德彪炳一時東亞西歐經營百戰而在歷  
史中千餘年之事業地理上數十國之形勢無一不  
足以左右輕重乎世界全局而有餘矧英雄輩出文  
化勃興尤較歐美各國為先進者于此回教史之所  
由作也此回教史之所以能成爲一家言也抑又有

(3)  
進者亞洲大陸非狃爲世界文明開化最早之區乎  
非稱爲阿丹鼻祖傳世長子孫之地乎何以至今使  
神州陸沉萬劫而不復同舟胡越一瞑而不顧豈不  
大可悲哉開嘗縱觀亞洲大陸之上與中國並峙而  
居者除日本三島懸隔濠洋不計外惟西部回教之  
國爲最多且與中國地理歷史之關係唇齒輔車尤  
爲密切英之由印度阿富汗以窺伺西藏俄之由中  
央亞細亞以經營新疆均有岌岌可危之勢曾憶前  
清濤貝勒有見及此擬聯合西方諸回教國民族結  
一亞細亞大陸同盟之勢力互相提挈足以頡頏美洲  
門羅主義而有餘惜乎未能見諸實行耳璜躔其議  
且願當軸諸公五族同胞超然遠覽淵然深思眷念

世界回教史畧 序

北平清真書報社印

(4)  
 西陲三盟東亞使我阿丹嫡裔黃種貴胄揖讓於一  
 堂之中競存乎大地之上以揚我先民之偉業雪我  
 今日之奇恥庶知作是書之本旨固在此而不在彼  
 美因疏已意而寫之序  
 中華民國十一年清和月宛南水玉瑣子立氏識於  
 陝西省長公署

萬物非主  
 惟有三主  
 穆罕默德  
 乃三專使

釋例

一是編專記世界回教各國事蹟故名曰世界回教史畧  
一是編記載事實均係由坊間所售東西洋各國歷史本中互相  
參考搜擷哀集本末畢具條理一貫兼以回教經典潤色其間  
務期翔實真確不嫌勦說雷同所以避杜撰之誚也  
一是編名為回教史畧當然以回教正朔為編年之準故以穆罕  
默德辭世之年為紀元之始嗣後即名為穆罕默德辭世若干  
年或有省去穆罕默德四字者並旁注西歷若干年中歷某朝  
某帝年號某年以資對照但穆罕默德生死年月各歷史記載  
不同莫衷一是據各國回歷(中國回歷亦然)穆罕默德辭世至  
民國十一年已一千三百四十年攷之他書或云生於西歷五  
百六十九年或云生於五百七十一年而中國著述有稱在梁  
中大通五年七月十三日有稱在陳宣帝太建元年證諸天方  
至聖實錄年譜係生於陳宣帝太建三年辛卯即西歷五百七  
十一年卒於唐貞觀六年壬辰即西歷六百三十二年本編亦

(1)


(2)

- 以是年為準但較之回歷則相差尤為懸殊計此千餘年間已差五十年之多查回教各國均以太陰紀年與陽歷實難吻合故亦不便引據也特存疑案以待考核
- 一 是編體例純以記事為主有時夾叙夾議並行不悖故評贊論斷皆可省免偶有附記則例外耳
- 一 是編記事詳略不一有一事而洋洋數十言不能盡者有數百年間遙遙相接不著一字者蓋前者非徒事鋪張後者非史之闕文僅舉其犖犖大者言之餘則等諸自鄙以下矣讀者諒之
- 一 是編紀載純以回教為主故各國歷史均以回教初興之日為叙述之始或前或後則略而不陳矣
- 一 是編所記回教事蹟原不分國界種族但因地理歷史上關係區別言之以醒眉目
- 一 是編所記各國不盡純為回教如中國印度等則曰中國回教記印度回教記以資識別
- 一 是編因限於篇幅至為簡略不足當回教史之名且參攷各書

互有舛錯亦難識本來面目補而正之願以異日大雅君子幸  
匡不逮無任歡迎

一是編雖名為回教史畧而對於宗教事理罕所發明因史以記  
人事宗教以記神事性質不同故從略耳

一本書自民十九之春因再版故乃將內容稍加增改然記各回  
教國事畧仍為民十二以前事俾存原書之真諦也滄海一粟  
本不足記然全為通俗教育計不得不有此作欲窺吾教各國  
全史請我閱者諸君俟諸他日可耳



世界回教史卷上目錄

緒論

穆罕默德畧紀

大食國記

文米亞政府記

大食國分裂記

西大食國記

東大食國記

十字軍戰記

土耳其記

世界回教史卷下目錄

中國回教記

印度回教記

亞洲西部回教國合記

亞拉伯近世記

世界回教史畧目錄

北平清真書報社印

世界回教史畧目錄

南洋羣島回教記

非洲回教國合記

回教史總論

回教起後與諸教之關係

回教與世界之將來

世界回教史卷上

南陽水玉瓚子立氏編輯  
孟縣丁鎮南靜齋氏參訂

緒論

回教之興，最彪炳於歷史上者，雖莫若武功，而文化之盛，亦超邁絕倫，為近世文明發達之濫觴，此固歷史家所公認也。溯其興盛之由，與經過之迹，不惟在世界歷史上，放絕大之光明，宗教上，開特別之生面，而於人種上之開化，土地上之拓殖，尤具有充分之精神，卓絕之勢力。故穆罕默德平生事業，曠代功名，足以鼓舞一世，流傳千秋，使天下後世，賢不肖，均入其彀中，莫知端倪，嗚呼！豈非人傑至聖哉！西哲喜勒梭有言：穆罕默德，以蓋世英傑，崛起於平民之間，建設一新宗教，新帝國之基業，其雄材大略，寧不令人驚歎者！此論評隲，雖欠十分的允，然穆罕默德，實宗教家，而兼各種專門學家之唯一偉人也。何以故？釋迦牟尼，基督，孔子，宗教家也，而不能演政治上之大活劇，及對社會有種種出世入世之大

(1)

(2)

供獻，故遇穆罕默德，則當退避三舍，自告不敏者矣。亞力山大，成吉思汗，拿破崙，政治家也，而不能得宗教上之大信仰，故遇穆罕默德，則當皈依從教，膜拜頂禮者矣。由斯而譚，穆罕默德以非常之英才，建非常之事業，叱咤變風雲，暗鳴震山嶽，殆如旭日昇天，龍蛇起陸，在世界上，放一空前所未之大異彩，歷史上，開一空前所未後之新紀元。偉哉！穆罕默德！壯哉！穆罕默德！安能不令千載後世，古今各國，聞其風而下拜也。緬懷先聖，尚論古賢，爰攷其事實，證諸記載，上自穆罕默德，下迄於今，凡一千三百餘年，為東西洋各國史冊所稱述者，悉行蒐錄，輯成一集，以年為經，以事為緯，以回教為綱領，以各國為條目，故顏之曰：世界回教史畧。西瓜東隣，掛漏不及萬一，吉光片羽，威儀足當三千，擇焉未精，語焉不詳，略述顛末，俾曉梗概，庶知回教在世界，具如何之勢力，宗教界，具如何之價值，手披此編，當能一目了然也。知我罪我，是在讀者。

穆罕默德紀畧

穆罕默德譯言萬聖之聖生於西歷五百七十一年陳宣帝太建三年其先本為

亞拉伯半島之貴族，世居麥加城，人稱撒拉森，呱呱墜地，甫及三

月，父亞伯達死，七齡母亞妹那又見背，零仃孤苦，極難言狀，祖爾

卜篤穆他吏部，舍館弄孫，相依為命，逾年祖亦物化，乃從其叔額

卜他吏部，九歲以後，即經商於沙牧國之圃叙里即今之敘里亞幼年命

運亦云苦矣，嘗涉海至埃及，並他各國，遍歷名城巨埠，蓋一冒險

之大旅行家也，穆罕默德聰明天縱，智慧過人，甚得其叔懽心，依

之為左右手，二十一歲遇基督教人卜海喇者，奇其像貌，歎為異

人，二十五歲自沙牧歸，有富室胡隈烈者，其女海娣徹，淑賢貞靜，

才德俱備，學識淵博，志趣遠大，年將四旬，不苟字人，而經營家計，

夙擅絕才，持籌握算，操奇計盈，較之陶朱倚頓，未肯多讓，其尤奇

者，中幘慧眼，能識英才，紅顏有此，古今幾人，聞穆罕默德之名，心

竊慕之，適穆罕默德因經商缺資，正籌措間，海娣徹乃量其資本

之數，而以十倍託人予之，穆罕默德初不之允，後經多人一再勸

(3)

(4)

說，乃作借貸，始成行馬。海氏暗遣忠僕，胡宰同住，覘其行動，歸述於海娣徹，海娣徹喜曰：「此人非凡，真吾夫也。」遂嫁之。時穆罕默德二十五歲，海娣徹已四十矣。花生枯楊，本不可醜，人逢知己，足以無憾。彼時感慨，當復何如。由是遂吐棄一切，專注精神於傳教之事業。斯時，亞拉伯半島，西逼於羅馬，東隣於波斯，基督教、佛教及各種雜教，方極一時之盛。雖有聖賢出世，亦嘆奈何。穆罕默德嘗受天命，乃宣言曰：「萬物非上帝，惟有真上帝。」（亞拉伯稱安老乎）真（主）體（宰）無（上）著（帝）時（均）之主（宰）而（總）言（而）之（皆）指（最）初（無）真（稱）穆罕默德乃上帝之使者。此語實為一神教之真諦，不惟可以破多神教之迷謬，兼足以辨假託上帝之誕妄。宣言一出，亞拉伯人民如夢方覺，如醉斯醒，遂紛紛而從其教者，不可勝計。此為穆罕默德傳教之第一義。穆罕默德又以天授之三十部真經，古爾阿尼（全部一章，受天一百一十計（歷）二（十）三（年）始（成）披（露）於（世），世人見之，均以穆罕默德不學無術，何能偽造，殆為天授，非人力也。於是額卜白克爾、阿立、歐曼、祖杯爾、脫合里、賽爾第、穆查合德、歐士馬爾、歐伯德等十二英傑及

(5) 其他之名士，無不相率來歸，聲勢為之大振。而反對者，恨之刺骨，有朱乎德特爾撒二族，尤具勢力，思得穆罕默德而甘心焉。穆罕默德自以毛羽不豐，不可高飛，實力不充，不可與抗，遂率其徒，避於海北涉，（即今也門，當時之名邦也）傳其教不衰。海北涉王，南查氏，舉國以從，並誅其反動者，旋仍返歸麥加，逆黨聞之，偵騎四出，大索城中，三日以計得脫，入居麥的那城，人民極表歡迎，無異天神之臨降，膜拜頂禮，爭先恐後，可見至聖之感人深矣！穆罕默德行年五十三歲以來，待人接物，皆以和平，西歷六百一十二年七月五日，唐高祖武德五年六月二日，回教稱無如屢受外教武力干涉，忍無可忍，讓無可讓，乃一變其木鐸傳教之旨，以為疆場相見之策，蓋不如是，不足以圖生存，而謀世界之和平也。故其宣言有曰：「凡流血於神聖戰爭者，得享天堂幸福。」阿語謂此為穆罕默德晚年傳教之苦衷也。初以麥加一城，久為異黨所據，卧榻之旁，豈容鼾睡，慶父不除，魯難未已，遂於麥的那募集民軍，奉天明命，興師問罪，佈防至百德里，敵軍來攻，敗之，旋戰於色威格，再却之於吳侯底山，皆捷幾

(18) 奏犁庭，掃穴之功，自是穆罕默德之英名，更蕪然起矣。時東羅馬王，喜爾革留，自六百四十年至六百六十年有雄略，與波斯戰，大勝，思欲再侵穆罕默德，所幸穆罕默德，知彼新造之邦，又居衝要之地，更係反動最力之異教國，不有備焉，將為所乘。乃遣師駐防於邊境，羅馬王聞之大驚，以為神兵從天而降，不敢遽施攻擊，遂約亞拉伯境內諸小國，兜佗，方格喇勒，古來祚，祖合兒，麥加，並與波斯釋怨修好，相率連盟，會師十萬，為一舉蕩平之計，疾風掃葉，易如摧枯，泰山壓卵，立可齏粉。穆罕默德得此警耗，雖知非武力所能抗拒，然決不願留血，祇遣說士，那思前往，敵營曉以互理明言，諭以成敗利害，致使各國，皆捲旗遁去，是役那思掉三寸不爛之舌，退七國若林之師，非有天幸，曷克臻此。自是麥加異黨，懾服震慄，不知所出。穆罕默德，一面大施教化，注重精神及物質之建設，一面仍令養精蓄銳，以防不測。年六十歲，西歷六百三十二年大舉以救麥加，亂既平，先恤民困，收撫異黨，招安流亡，置官守之而去。後又派人宣慰諸部，統一亞拉伯全境。立泱泱大國之基礎，建號天方，即大食

也。沿史之用，東西歷。享威名於全世界者多年。六十三歲。西歷六百三十五年，貞觀。因東羅馬入寇，謀和無效，不得已，遂遣大將伍撒墨率兵七萬，逆於境上，攻取離閣，進次小亞細亞，所向克捷，如入無人之境，是役也，為穆罕默德最後之雄略，亦為回教開始之發展。東羅馬軍節節敗退，幾不能支，使天假數年，竟其全功，則其救民水火之力，將更不可以紙墨形容矣。旋因感受風疾，中道崩殂，臨歸主時，諄諄勸人，各守本分，方能維持世界和平，以保萬物安寧，俾達天人合一之最後大目的。真可謂名言矣。穆罕默德立教大綱，約有五種，一曰念，即諷誦作證主聖之言。一曰禮，即禮拜每日五次，叩頭祈禱，禮拜日，及大小齋日，亦如之。儀式繁多，茲不詳述。一曰齋，一作「餐」，即每年一次，屆時封齋一月，晝日勺水不得入口，及夜自星光燦爛，至晨鷄初鳴，皆可食，此中用意即多，茲不及贅。蓋另有專書也。一曰課，凡有財物，以四十為盈數，富厚之家，每年終結算一次，將其餘財，取四十分之一，或散給貧民，以資周恤，或辦公益以救社會，一曰朝，亞拉伯之麥加城，為世界初有之古城，亦穆

(8)

罕默德發祥之地。凡係教徒，例應瞻拜，以誌景仰，不能往者，七日赴清真寺祈禱，亦可當之。以上五種，為回教儀式上之綱領。至於精神上之信仰，即萬物非上帝，惟有真上帝，穆罕默德，乃上帝之使者。數語而已。故回教為純粹之一神教，光明正大，迥非他教假託附會者，所可同日語也。

馬復初論穆罕默德曰：凡為聖者，誕生有奇徵，受命有感應，或見異兆，或受天勅，聰明出乎天縱，德行超乎天下，有列聖有欽聖，有大聖，有至聖，至聖惟穆罕默德一人而已。德無不備，化無不通，超萬聖而千古獨雄，體真宰而萬世獨尊，統萬教而駭備集萬法而觀成，卓萬道而中正，與日月同光，與天地同久，夫有天地，不可無日月，有世界，不可無聖人。如有身，不可無心也。按穆罕默德，真聖人而英傑也。處極困之境，百折而不撓，其志當大難之端，一往而不動於心，非允文允武，乃聖乃神，曷克臻此。夷嘗考之穆罕默德，一生事業，分三時期，一幼年時期，早失恃怙，零仃孤苦，至於成立，其境遇之悲慘，殆為人生所未有。穆

罕默德嘗謂：「吾見耶提目，譯言孤哀子之孩子，不覺悲從中來，言下深有餘痛焉。」一壯年時期，經營商業，依人作嫁，降志辱身，誠非不得已。一老年時期，自四十歲感受天命，宏布大道。至六十歲，復命歸真。綜其一生事業，排萬難，忍萬辱，歷萬險，而卒達其目的。故穆罕默德之興教創業，雖曰天命，實無一不從艱難困苦中磨練得來也。孟子曰：「天將降大任於斯人也，必先苦其心志，勞其筋骨，餓其體膚，困乏其身行，拂亂其所為，非聖人而豪傑，推倒一世之智勇，開拓萬古之心胸，烏足以語此。」太史公作孔子世家，而嘆為至聖曰：「高山仰止，景行行止，雖不能至，其心嚮往之。」吾作穆罕默德本紀，足蹈手舞，氣王而神往焉。幾置吾身為穆罕默德案前，大書特書天降古爾阿尼真經之鈔胥手，幾置吾身為穆罕默德帳下，如火，如荼，力征經營之騶從。卒吾崇拜偉人，吾篤信宗教，吾景仰穆罕默德為天縱聖傑，亘古一人也。于立織

### 大食國記

(10)

穆罕默德聖人也。亦世界惟一之真材也。死年六十三歲。子早殤！  
 惟一女名法圖默，適阿立。故繼嗣無人，遺命以額卜白克爾為赫  
 立法。即繼嗣就職後，掌握大權，儼然以帝王而兼教皇之職。在位  
 之日，政治修明，國運日昌，以故民多歌功，誦德不已。額氏遵奉穆  
 罕默德遺教，以普慈為心，以文化為重，罷征羅馬之師，先從事於  
 種種建設。時叙里亞來侵不已，乃遣大將克萊賓率師北伐，叙里  
 亞王喜蘭克儒大出士馬，并徵師希臘，率傾國之眾，與額軍相遇  
 於埃塞納亭，列陣大戰，盡殲敵師，復乘勝長驅，直抵大馬士革，東  
 羅馬皇帝希拉格留，亟以兵救之，大敗，死者五萬眾。額軍益進攻，圍  
 困七旬，力竭而降。時去穆罕默德辭世之二年也。西歷六百三十三  
 年八月三十日  
唐太宗貞觀七年叙里亞既滅，耶路撒冷之亂又作。耶路撒冷者，基督之  
 墓所在地也。該教稱為聖地。逾年額卜白克爾死，新赫立法，歐曼  
 爾代之。雄材大略，不亞前王。國基既固，乃從事於宣傳宗教，以正  
 人心。後於穆罕默德辭世之五年，西歷六百三十七年因平外患，  
 親臨前敵，督飭將士，悉銳進攻，遂解耶路撒冷之危，而救其全焉。

(11) 腓尼基諸城，亦望風來歸，隸為版圖。此去穆罕默德辭世不過星霜六易耳。後自紅海一帶，以及安都（國名亞里波）（國名叙里亞）（國名美索不達米亞）全地，幼發拉底、第格里斯兩文明河流域，膏腴之地，無不爭先恐後，依然歸服吾教。後因波斯來攻，乃遣大將加勒（時號劍神）前往禦之。波斯王顏思第苟兒或譯伊遣大將盧世吞率師一億二萬，戰於幼發拉底河干。波兵頓見亂流競渡，軍心大亂，但無退意。歐師主將名沙特者，也門人也，與波斯兵遇於加地西亞，要擊之，大獲全勝。渡河追襲，所向克捷，遂長驅入波斯境，陷其首都基太西（一名米丹）勘定波斯全土。波斯王退保殘喘於呼羅珊。於穆罕默德辭世之九年。西歷六百四十四年大食軍躡追及之。波王敗死，其子卑路斯東奔中國，乞援於唐。唐置波斯都護府於疾陵城，拜卑路斯為都護。然波斯全境已為大食所有，所謂都護亦有名而無實。此為大食經營亞洲之崖畧也。後歐曼爾遣門徒亞母路，一名安魯遠渡紅海，經營非洲北部，復將埃及古有回教大事整治。蓋埃及為世界文明開化最早之國，據尼羅河流域，夙

(12)

稱富饒，於穆罕默德辭世之七年。西歷六百三十九年完成孟斐斯城計劃，尋將開羅及亞力山大府，皆加修理，埃民頑固，大亂十四閱月，而始平之。埃及全境，依次安定，歐曼爾於穆罕默德辭世之十二年。西歷六百四十四年薨。子阿斯曼繼之。在位十一年薨。穆罕默德之婿阿立繼之。在位六年薨。蓋至是而大食之版圖，西起非洲，東至印度。文化文功，縱橫萬里，至今史書，猶稱讚不置焉！

文米亞政府記

穆罕默德辭世之二十三年。西歷六百五十五年其婿阿立始繼位為赫立法。未幾，文米亞族摩亞維約起而代之。或按阿立始繼位為赫立法。未幾，文米亞族摩亞維約起而代之。刺然斧聲燭影，千古維明，阿以射誤於聽人言，因此與阿立戰於斯拉大敗，既而摩亞維明再與阿立戰，於索芬之地，勝之。阿立遂上尊號。曰愛米爾，教信徒之莫王也。定為子孫世襲，國勢極盛，麻威一世繼之。頗有雄略，教化所及之地甚多，後因與東羅馬達和，被擾不堪，不得已，乃以兵圍君士但丁堡，幾攻下之。羅馬王用希臘火藥守禦，僅乃得免。大將歐克波繼亞母路之後，進平埃及以外各地之亂，至加太基而止。又有母撒大將，於穆罕默德辭世之六十六年。西歷

(13)  
武后聖歷十八年唐救鄔隄堦之亂，大獲全勝，於是羅馬人治理非  
洲之權，乃盡為文米亞政府所有。於穆罕默德辭世之七十九年，  
西歷七百十年唐又得摩洛哥全國人自由來順，並逐西莪特人  
於非洲境外，時西莪特本為歐洲北部之蠻族，滅西班牙建立西  
莪特國，歷百有餘年，非洲北部亦為所據。至是西莪特人大恐，遣  
武弁汝俚安統率部兵守於支布羅陀海口，旋通款於文米亞人，  
願為嚮導，蓋當彼時歐洲紛亂已極，頗有黑暗世界之稱，故文米  
亞政府為應各方請求，不得不行弔民伐罪之計，乃不得已，令由  
母撒遣偏將塔立克率師一萬二千，浮海入歐，舳艫銜尾，舸艦迷  
津，水師之雄，當年罕覩。西莪特王洛特立克聞警倉皇出奔，一面  
徵調傾國之兵，眾逾十萬，文軍僅當其六分之一，鏖戰至七日之  
久，卒獲大勝，長驅而進，勢如破竹，陷其首都，土勒多，取布達華以  
為根據之地，會母撒大將銜命濟師，軍威大震，與塔立克分道進  
攻，未及三年，遂定西班牙全地。懸軍萬里，鞭長莫及，赫立法懼戰  
延長，有誤民生，復恐將士之驕蹇難制也，遂於穆罕默德辭世之

(14)

八十一年，唐西歷七百一十三年下令罷兵，宣召還朝。母撒與塔立克，遂航海而東返於大馬士革。時守兵之在西班牙者，士氣既振，人思進取，徑越比利牛斯山北伐法蘭西，雖云有獲，未為得志。既而法國大亂，民心日非，阿喇代曼銜命為西班牙之牧伯，大興師旅，以伐法國，連破高盧及寶淘諸地。法國南境盡為所有，旌麾所指，全歐震動。是時君士但丁堡之攻圍，旦夕可下，東西並舉，互相策應，席捲歐洲，囊括反動最力之各基督教國，指顧間事耳！然勞師遠戰，兵家所忌，冒險深入，夙將不為。文師連年暴霜露，冒鋒鏑，所謂強弩末勢，難穿魯縞。況此役勝敗，實繫歐洲存亡，我教與基督教消長之關鍵。千鈞一髮爭，此俄頃。法國勝退，公爵尤提恐歐洲不保，基督教將亡，乞援於法蘭西王沙里曼。及阿喇代曼乘勝進抵北境，與沙里曼鏖戰於陀爾及普梯呀之間。肉薄血突，歷七晝夜之久，為地球大戰之一。文軍失利，自是救護歐洲之志，遂成泡影。然地中海之西，西里干地亞，羅得各島，賽普羅斯馬耳他，撒丁尼亞哥爾西加各島，均為文有。時穆罕默德辭世之百年也。西歷七百

三十二年唐元大食既竭力經營歐非二洲復東向經營亞洲不  
 宋開元十九年大食亦稱莫逆阿母河附近中央亞細亞皆歸版圖  
 遺餘力後與波斯亦稱莫逆阿母河附近中央亞細亞皆歸版圖  
 穆罕默德辭世之八十年唐睿宗景雲二年因唐內亂遣大將克  
 太巴率師以救中原踰葱嶺陷于闐依次將入中國苦乏水草而  
 還遂轉旆南向而入印度逾年因印度大亂作又遣勇將卡母西  
 由阿富汗俾路芝進保印度與克太巴遙為聲援取棒峽部及信  
 地一帶印度西北兩部及中央亞細亞全為文軍所羈縻焉蓋當  
 文軍未入印度之先已有我回教人分居各處傳道甚力民多歸  
 之而政府獨惡之且因吾教主張平等而印度教則重階級因是  
 嘗起衝突自平印後回教乃得安然行於印度及中亞一帶時去  
 穆罕默德辭世不及百年而歐亞非三洲奄有其大半教化所及  
 豈止萬里版圖恢廓西極大西洋東抵印度河雖稱強大國家空  
 絕古今猶復友視天下此回教之所以易盛亦回教之所以易衰  
 也

### 大食帝國分裂記

世界回教史畧 卷上

北平清真書報社印

大食國，自文米亞政府繼續而後，凡十五主，皆英偉賢能，享國將  
 近百年，自穆罕默德辭世二十八年文化武功，譽滿全球，未幾內訌時  
 起，朋黨相競，衰弱之兆，已萌於此，加以政尚寬大，屬地遼闊，控馭  
 維艱，鞭長莫及，勢所必至，理所必然。當文米亞政府之初攬大權  
 也，爾巴士後裔，以累世不能得赫立法之位，遂生闕望，其後陰蓄  
 士馬，窺伺神器，及阿爾滿沙爾，英明雄武，士卒愛戴，於穆罕默德  
 辭世之一百一十八年，西歷七百五十八年與文米亞末主麥爾溫  
 戰於薩伯河，勝之，遂推翻文米亞政府，改建爾巴士政府，遷都於  
 第格里斯河畔之報格達。越五年，文米亞政府後裔，阿拉代曼走  
 西班牙，據地自立，以布達華為都城，建設歐曼政府，由是回教分  
 為東西二國，與羅馬之東西二國，互相輝映，各維持其現狀，以為  
 粉飾太平之具，而於我教之宏遠規模，不暇計也。時兩國不和，東  
 羅馬嘗結西大食國，以抗東大食國及西羅馬，西羅馬亦結東大  
 食國，以抗西大食國，及東羅馬。誇張為幻，荒謬已極，從此大食國  
 之英名，不復再振於三洲矣。泚筆至此，為之浩歎。

西大食帝國記

文軍之得西班牙也。原為保持歐洲和平之根據地。自陀爾之役，  
 一蹶不振。而法蘭西王沙里曼，遂有乘機反攻之勢。聞阿拉代曼  
 在西班牙獨立，知回教內部已自分裂，不復能為。遂遣將越界山  
 而過，侵入西班牙。時西班牙建國未久，民心未定，揭竿之徒所在  
 皆起，或假名討逆，或借詞煽亂，全境騷然。阿拉代曼當此內憂外  
 患紛至沓來之際，力持鎮靜，隨機應變，內平亂黨，外禦強敵，從容  
 措置，指揮若定，親率大軍，馳赴法境，賈其餘勇，一戰破之。法王沙  
 里曼聞敗，忿甚，自將精銳，重越界山，肆行蹂躪。阿拉代曼遣兵連  
 合山民夾擊之，法兵死傷枕藉，不下三十五萬人。太子牢蘭亦與  
 其難。今山西有牢蘭谷，即此。自是沙里曼始受大創，忿恚而死。西  
 帝國內部亦漸統一，稱為摩爾民族政府。時穆罕默德辭世之一  
 百四十五年也。西歷七百十七年。阿拉代曼死，其子阿拉代曼  
 二世繼之。文才武略，誇耀當世，嘗以法人好亂性成，思雪國恥，以  
 除民患，而為一勞永逸之計，遂有滅此朝食之志。於穆罕默德辭

(18)

世之二百零七年，西歷八百三十三年，唐文宗開成三年，九年，爰整貔貅，飛越界山，破巴  
 賽瀘那城，奪馬塞城，法兵不出。自是無敢再至。西班牙騷擾海岸，  
 及睨視邊境者。阿拉代曼三世在位，尤為傑出。英主厭武修文，不  
 事遠略，黼黻昇平，勤求治理，申明教律，振興文化，凡通商惠工，練  
 兵訓農，諸大政無不加意講求，勵精圖治。物理、算術、天文、地理、諸  
 科學亦皆研究精微，期歸實用。廣設學校，以延賢俊。歐洲學子，近  
 而擔簣負笈，遠而航海梯山，罔不仰之若高山，趨之如流水。建立  
 書樓，以藏圖籍，玉軸牙籤，多至四億冊。雖羅馬文物之盛，未曾有  
 也。時東大食帝國赫立法，義夜倫亦為不世賢君，制禮作樂，彬彬  
 馬期與三代同風，互為輝映，遙相齊名。歷史家稱為美譚。嗣至哀  
 勒哈措二世在位，用兵非洲，武功頗著，撫輯軍民，反側全消。自穆  
 罕默德辭世之一百一十八年至三百九十九年，西歷一千零三年  
 八年，聖民安國泰，號稱郅治。旋分裂為若干小國，日事軋鏖。耶穌教  
 徒乘機蠢動，以圖破壞。初於北部山谷間，伏莽嘯聚，視為癬疥之  
 疾。漸致滋蔓難圖，遂成燎原之禍。及穆罕默德辭世之四百五十



分為東西兩大帝國。均改為子孫世襲之業。當義夜倫赫立法在位之時，海晏河清，民安國泰，嘗因不得已，一度遣師希臘，觀兵羅馬。羅馬女主愛麗妮許以歲貢金三千五百鎰，始允其和。然終其世休養生息，勵精圖治，獎興學術，開通文化，修明教律，講求政事，國勢蒸蒸日上，臻上理。為東大食國黃金時代。與西大食國赫立法阿拉代曼三世並稱於世。及瑪猛而後，國運式微，赫立法之威權，漸為各地豪族所攘奪，強藩外重，太阿倒持，已有不能統御之勢。羣雄割據，國遂崩裂，分述如下。

薩曼波斯族也。權力最大，漸蓄不臣之心。及其曾孫伊嗣麻兒為赫立法。征服內憂外患有功，旋據波斯獨立，定都於布花刺。北從天山南麓，南至波斯灣，及印度北境，悉歸其版圖。伊嗣麻兒於穆罕默德辭世之一百七十二年唐昭宗天祐二年歿。子孫衰弱，未幾為毘吾兒及哈利魯諸部所滅。  
 回紇起於高昌即今吐魯番，日漸強大，拓地於西及博古臘汗，移居於別拉薩。軍率哈利魯諸部侵入小亞細亞，伊勒克汗繼之，盡

(21)

得薩曼家之地。自阿母河畔，及天山之東，皆為其屬土。雄強甲於關外，當穆罕默德辭世之百餘年頃，西歷七百餘年頃國勢極盛，嘗應中國之請，遣大兵入關，剿平安祿山，史思明之亂，有再造功。唐室德之，配以公主，結其歡心。由是回教由回紇國人，傳播於中國西部。按中國回紇國，我教為回紇，得此名。即唐德宗時，李泌嘗言：大食疆域半天下，可想見其盛。故回紇稱藩屬焉。

式白克代肯，土耳其族也。因薩曼家為回紇所滅，起而代之，據哥疾寧，其子馬母德，得報格達赫立法之信任，授以蘇丹之職，襲薩曼屬土，而有之。北自阿母河，南至波斯灣，悉歸版圖。於穆罕默德辭世之三百六十八年。西歷一千零一年印度西北中三部，喇誦善特族所建之諸小國，不相統一，教民受苦不堪，屢派代表求援，乃以兵臨印度，先後征伐十七次，歷二十五年之久，南自固式拉脫，東至卞諾，地舉印度河及恒河流域，皆為其屬土，此為回教在印度之最安全時期。

色爾尤克，土耳其族也。起於布花刺附近，其後裔乘哈利魯及

畏吾兒，侵入中央亞細亞之擾亂，竭力拓其版圖，至脫古爾之世。於穆罕默德辭世之四百零五年，西歷一千零三十七年破哥疾寧，取呼羅珊，定都於尼沙不爾，遂率兵西至報格達，仰赫立法之保護，益拓地而西。於穆罕默德辭世之四百三十年，西歷一千零六十年宋仁宗嘉祐五年，從子阿爾普亞爾斯蘭嗣位，進逼小亞細亞，與東羅馬帝魯士戰，破之。約以歲輸巨幣，始允其和。子美利克西耶繼之，國勢極盛，屬地西自亞拉伯，東越葱嶺，而至喀什葛爾，悉為其所有，旋為諸子及諸將分割，遂日就衰。

花刺子模 在裏海及阿拉伯海之間，為色爾第尤克家之領土，其先祖奴希代肯者，為色爾第尤克家之兵馬指揮官，及其曾孫伊爾雅拉蘭與西遼國聯盟，絕東顧憂，而拓地於西。至其子戴士希尤，遂滅色爾第尤克家，一統波斯，擁報格達赫立法，而號令西方亞細亞。於穆罕默德辭世之五百六十八年，西歷一千二百六十八年，其子穆罕默德繼之，與乃滿部之屈出律連合，夾擊西遼，滅之，遂得西爾河以南之地，復併中央亞細亞，南戈高盧各，可

阿富汗斯坦

穆罕默德辭世之

五百二十年

西歷一千一百五十六年

富汗斯坦。時穆罕默德辭世之五百八十三年也。西歷一千二百零八年  
定八年嘉高盧阿富汗既滅，得志於東，更西向前進，至報格達，廢  
 其赫立法，大樹聲威，旋於五百八十五年。西歷一千一百一十七年  
 年出師攻報格達，時值大雪，赫立法那西兒有雄略，率兵敗之，  
 五百八十六年。西歷一千一百一十八年蒙古王成吉思汗自率  
 大軍與其四子，朮赤、察哈台、阿窩台、拋雷西從事西征，侵入花  
 刺子模，穆罕默德聞之，留部將固守國都，尋思干自退避於呼  
 羅珊，旋為速不台哲別所追，入於裏海島中，而歿。其子扎蘭丁  
 立於哥疾寧，募兵北出，破蒙古將忽都忽於八魯灣。成吉思汗  
 聞之，赴援扎蘭丁，棄哥疾寧，連結印度、疊爾黑王、阿他謨希出  
 兵拒之，成吉思汗捨之，而西扎蘭丁乘勢恢復故土，遂蒙古兵  
 五百九十八年。西歷一千二百零三年成吉思汗已死，其部將拜  
 受復寇掠其地，六百二十二年。西歷一千二百五十四年旭烈兀  
 率蒙古兵再至，遂滅花刺子模。

與二十有夏哈普烏丁者，起於高盧，據阿富汗斯坦，及印度北部，五百五十九年，西歷一千一百一十九年乘中印度，喇諦善特種族，疊爾黑，與卞諾地兩王之不和，滅而降之。拓地至上那部，直進。兵至恒河口，五百六十四年，西歷一千零六年夏哈烏丁死。高盧不靖，五百八十三年，西歷一千零五年為花刺子模王，穆罕默德所併。時高盧駐守印度總督，克塔布烏丁，據疊爾黑，稱印度王，領興都耶山以北之地，與花刺子模時相通好。阿他謨希即其孫也。

右述各節，皆為東大食國衰弱時代之現象。赫立法僅擁虛號，於報格達，二十七世帝那西爾，敗花刺子模兵後，稍能自振，威權不至墜地。六百二十六年，西歷一千零六年蒙古王成吉思汗之孫，旭烈兀進兵報格達，時那西兒之曾孫，穆斯達希母為赫立法，拒戰不利，為救民計，遂求和焉。其族人逃於密西兒，即非洲而稱赫立法焉。凡傳三十帝，歷五百餘年而亡。然有大造於回教者，能使回教，突厥，蒙古諸族，悉奉回教，並傳播回教於中國，印度，南

洋各島，多在其紛亂時期，至於一姓之興亡，何足論哉！

十字軍戰記

回教之起，遠自上古，而中興於穆罕默德。及其後，齋教育世界，亦稱最力。因是頗受基督教徒之嫉。人心恐慌，大有世界末日將至之勢。而宗教之神聖大戰爭，因之遂起。當大食之得耶路撒冷也，對於基督墓之守護者，予以保衛，待以優禮，故瞻拜者，頗稱便利。及穆罕默德辭世之四百二十三年，西歷一千零五年土耳其之塞連茹族人，沙里曼興於小亞細亞，四百六十年，西歷一千零九年最為強盛。耶路撒冷歸其統治，痛惡基督教徒之好排斥異己，下令取締，於是十字軍之戰機已萌於此時矣。按十字軍皆以軍中繪赤十字於肩，以為區別，故名為十字軍。又以目的在救聖墓，故號神聖戰爭。考十字軍之興起也，頗有四種原因，一曰耶穌教徒志在恢復耶路撒冷，以保彼等自所謂之聖地，而為己有。蓋耶穌為猶太國之人民，而耶路撒冷者，又為耶穌之聖墓所在地故也。二曰

(26)

冒險精神，當中世紀中葉，武士盛行，因加利，日爾曼人之寇授已定，詳西洋中古史。英雄苦無用武之地，時思挺身而起，遠涉重洋，雖借護教（指耶穌教）為名，實則各行其私願也。三曰圖謀殖民，歐洲荒地，已就開闢，地土日狹，人民日衆，欲求富庶，必須遠征，然而南絕沙漠，西隔大洋，謀達目的，厥為東方，故皆毀家為難，遠渡亞洲，雖曰謁聖，亦別有用意也。四曰迷信謠言，當時民間訛傳，上帝將以下民兇狠，日造罪孽，擬降洪水，淪沒世界，耶穌教士遂解說曰：誠心禱救主，默佑者，可免是厄。愚民信以為真，相率而至巴勒斯坦，拜謁聖墓，奸狡之徒，每好藉事生非，嘗對回教人，百方侮辱，致遭回教人之惡，因而乃有取締耶穌教人命令之頒佈焉。不然，沙里曼者，一歷史有名之英王，至今歐洲猶有歌詞以讚此王之英明也。何致遽變前朝故制，而有此限制哉？有上述四因之成分，蓋以各教士之遊說，煽惑民心，不遺餘力，各處鼓動，大聲急呼，竟曰：惟用兵者，得免上帝之懲。上自教皇國王，下至軍閥武士，極力獎勵，一唱百合，於是戰雲密佈，即無耶路撒冷之事，而不人

道之十字軍，亦當興起於東方矣！

查十字軍之作亂也，其第一次本定于耶歷一千零九十六年八月出發，乃耶教士彼德，深惡大軍遲發，急召集無辜之男女老少，八萬餘衆，以為前鋒，分為兩隊，自己統一隊，而使倭德一緯號莫名錢詳見，西史另統一隊，人皆步行，因全軍祇有馬八匹，分路前進，會於陳都，過日爾曼時，居民厚待之，尚無缺乏之苦，至匈牙利及保加利亞時，居民雖信奉耶穌教，然頗麻木，殊不踴躍，既不招待，又無供應，倭德部衆掠食，居民羣起攻之，殺數百人，其衆始稍斂迹。後彼德至，見倭德之部下，多為居民所殺，大怒，橫殺無辜甚衆。聞者雖有預為之逃避者，然亦多被搜殺，軍行至色雷斯，東羅馬帝，阿力士，歡迎之，後以彼德所部，沿路招集無賴盜賊，約十萬人，阿力士大患之，乘其備船渡海，不分同教異教，橫肆殺戮無數，十字軍尚未至土都，即戰爭目的地，中途屢遇土兵埋伏，被殺二十餘萬之衆，所餘祇數千人，悉往荒堡逃匿。自大敗後，復以重兵來攻，回回教兵多次，中有土兵，埃兵，亞兵，波兵，以及小亞細亞一帶之回回。

兵，國籍雖異，宗教則同。結果，第一次十字軍之死亡者，已逾百萬  
 人矣。時在穆罕默德辭世之四百六十七年。西歷一千零九年  
 歐洲大恐，教皇伯爾拿再倡恢復之說，日耳曼王剛拉德三世及  
 法蘭西王魯易七世，應之，各將大軍合為一百二十萬人，有飲馬  
 死海。在耶路撒冷附近投鞭斷流之勢，土王特立拉母，邀擊剛拉德三世，  
 於叙利亞之米安河畔，殲其全軍，又破路易七世，於伊格格母牛地  
 方。斬俘幾盡，時在穆罕默德辭世之五百十五年也。西歷一千一  
 百零七年當此之際，基督教與回教由局部戰爭而進為全部戰  
 爭，由小衝突而進為總攻擊。西班牙之基督教，與西大食國，兵連  
 禍結，戰爭不解。非洲埃及之回教國，亦與土耳其同仇敵愾，助攻  
 十字軍，有大將薩儼丁者，於穆罕默德辭世之五百四十二年，西  
 歷一千零七年定埃及全土，進兵小亞細亞，屯於巴勒斯坦，  
 五百五十五年。西歷一千零八年攻耶路撒冷，克之，滅拉丁  
 國。歐洲聞之，再起第三次之役，竭全力以為孤注之一擲，於穆罕  
 默德辭世之五百五十八年，西歷一千零九年日耳曼王弗勒

德力一世，法蘭西王，腓力二世，英吉利王，李查一世，大舉來寇，分道進兵，李查俗稱為獅子王，勇敢無比，患餉無出，乃勒捐僑英之猶太巨商，不足復加稅鬻官，以益之，日軍由陸路，英法聯軍由海道，薩儀丁親赴戎行，別遣戰艦，至西西里禦之，視如無物，弗勒得力，敗死於叙里亞河濱，腓力遁歸，李查尚欲獨力支持，適其國內大亂，乃由意國登岸，欲微服過德國，比至奧境，即被扣留，蓋以十字軍故，結怨於奧人也。後以重金贖歸，始有復見故土之日。逾年，建回教大禮拜寺於耶路撒冷，自是人民遂各安居樂業矣。穆罕默德辭世之五百六十一年，西歷一千一百九十三年，教皇尹諾勝三世，說歐人起第四次之役，由義大利威尼斯進兵，僅至君士坦丁堡而止，因其中途變志，助東羅馬皇帝。恢復君士坦丁堡也。後雖克之，然因有希臘人作亂，弑帝稱兵，十字軍以服仇為名，攻踞東都，縱兵焚掠，千餘年來之藝術品，教堂中之金銀飾物，神廟中之黃銅紫銅諸像，無不被掠，今日聖馬克教堂前所懸銅馬，即其遺物之一，故是役也，不惟未傷回教人，且反演種種私爭之慘。

劇馬。五百八十六年，西歷一千二百一十八年日耳曼王弗勒得力二世與土耳其立約，割伯里恒拿撒勒等四城歸其統治，是為第五次之役。西歷一千二百零四年蒙古王成吉思汗之子（即元太宗）應歐洲基督教徒之請，間闕赴援，然亦無功而還。教皇尹諾勝四世勸歐洲人起第六次之役，以迎蒙古兵，法蘭西王魯易九世於穆罕默德辭世之六百零六年西歷一千一百零八年，宋理宗淳祐八年蒐討軍實，於居比路率大戰艦一千八百艘先赴埃及，至大末埃太，逗遛數月，使后留守率兵赴慢蘇蘭，其弟羅貝前驅，旋亦為回回軍所破，陣亡。又以希臘火焚其船，殆盡。路易逃遁，為埃及軍追及，俘繫于獄。六百零八年西歷一千一百一十年，宋理宗淳祐十年行成，盡反所侵之地，輸金七百萬磅，得脫於難。時后生子，名憂約翰，因其在憂患之中也。國內連年興兵，死亡甚眾，無敢倡議勤王者，僅有牧羊之民及農佃愚氓，募集其眾，號曰牧羊十字軍，後多流為盜賊。此亦神聖戰爭之一趣譚也。六百二十八年西歷一千二百一十年，宋度宗咸淳六年法王路易九世與英王愛德華一世起第七次之役，以報前仇。路易

九世，死於途次，愛德華亦無功而還。至穆罕默德辭世之六百四十九年，西歷一千二百九十七年猶太全地遂絕基督教徒之踪跡焉。壯矣哉！神聖之大戰爭乎！盛矣哉！神聖之大戰爭乎！無此神聖之大戰爭，則環球無交通，無此神聖之大戰爭，則世界無文明，無此神聖之大戰爭，則回教無榮譽，無此神聖之大戰爭，則基督教無振作。歐洲自希馬云亡，文物掃地，黑暗否塞，達於極點，因此役諸侯百姓得見吾教規制風教之善，而生其艷羨。文人學士得見吾教天文算數之精，而增其學識。故此神聖之大戰爭，謂為世界文明開闢之橐籥也。可謂為世界文明演劇之舞台也。可謂為鑿通環球之利器之媒介也。亦無不可。迴憶基督教徒之擲頭顱，絞腦血，構戰二百餘年，喪師五百餘萬，未獲一坏之土，遂成全球之雄，豈非回教之所賜哉！

按神聖戰爭，雖為回教與基督教之衝突，實黃種人與白種人勢力消長之樞約也。當環球未通時代，歐洲白種人，建立希臘羅馬兩大帝國，已虎視眈眈焉，有併吞亞非二洲之勢，及亞拉

伯土耳其先後以亞洲黃種人起而與之奮鬪，反有併吞歐洲之勢，此天理之循環，人事之報復，有斷然不爽者。故神聖戰爭，所以回教大占優勝，基督教完全失敗也。自此役而後，以天演物競，積極必返之理推之，歐洲白種人之勢力，膨脹達于極點，亦固其所。孟子曰：五百年必有名世者，今以時考之，尚不及耳。嗚呼！今安得有亞拉伯土耳其其人，重整旗鼓，光復故物，以雪我亞洲黃種之恥也哉！子立識

土耳其記

伊古以來，亞洲黃種能以武力征服歐洲者，以蒙古土耳其兩族為最盛。蒙古無論矣。土耳其本為韃靼種族之舊名，即唐時突厥也。穆罕默德辭世之三百二十九年，西歷九百六十二年有亞伯特真者，建伽寺尼國於可辣山，三傳至馬穆多，振興文學，號稱開明，又用兵波斯，征印度，前後十二次，取特里拉荷爾木爾坦諸邑，西請報格達赫立法，授以蘇丹之職，即皇帝四百三十一年，西歷一千零六十八年宋阿土蘭在位，伐東羅馬，擒其將羅買羅，羅馬出金

仁宗嘉祐八年

十萬贖之。四百四十一年，西歷一千零七年三月其子馬勒沙繼之，  
 勇武有遠略，臣報格達，疆域東至中國，西及君士但丁堡，威震四  
 方。及沙里曼之世，尤以雄傑稱。伐希臘，攻耶路撒冷，安提阿取之，  
 遂併小亞細亞全部，擁戴報格達之赫立法，極其忠順。赫立法亦  
 寵信之，選土人為親兵，驍名震於遠近。六百六十一年，西歷一千  
三年元祖有阿多曼者，豪勇冠世，乘色爾尤克家之亂，自立為  
 國，征服諸族，為今土耳其帝國之始祖。在位三十三年，攻伐羅馬  
 不已，子奧爾汗繼位，略小亞細亞至黑勒斯奔，定都於白魯薩，興  
 學強兵，蒸蒸日上。七百二十五年，西歷一千三百五十七年伐希臘，  
 取加里布利，奪他大尼里峽之險。子穆拉德一世立，大破日耳曼  
 法蘭西聯軍，踰海峽入歐洲，蠶食東羅馬。七百三十年，西歷一千  
二年元順帝至得亞得里亞諾伯，築堅城，徙都之。徵其國中少年  
 入伍，精加訓練，四出征伐，兵威所加，無不克捷。七百五十六年，西  
一千三百八十八年明子巴牙屑一世，略布爾加利塞爾維，襍拉  
 幾諸地，進破匈牙利，王思棋士門於尼哥波里，又大破日耳曼法

(24)

蘭西兵，更入希臘，攻其都城，威名大震，旋與蒙古兵帖木兒戰於  
 昂哥拉，敗，被俘死。七百八十一年，西歷一千四百十三年穆罕默  
 德一世恢復舊業，國威復振。子母拉德二世嗣位，於七百九十年，  
西歷一千四百二十二年發大軍取希臘，匈牙利兼波蘭王拉日士  
 勞五世率同盟軍救之，蘇丹大怒，一戰擊敗，再破其將達郎西瓦  
 侯洪約於骨索哈，又滅阿爾巴尼國，巴爾幹半島幾全為土耳其  
 所佔領。子穆罕默德二世立，有大志，欲繼馬基頓王亞歷山大之  
 偉業，大舉攻君士但丁堡，陷之，改名伊斯坦布利，徙為首都，建大  
 規模之回教寺，時去穆罕默德辭世之八百二十一年也。西歷一千四百一  
十五年更滅塞爾維亞，波斯尼亞，統一巴爾幹半島，進取  
 意大利，又遠征波斯，建為別部，定亞拉伯為屬國，幅幘之廣，過於  
 羅馬，計其征服者，大國二，小國十四，城邑二百餘，國勢雄強，震鑠  
 古今。八百八十八年，西歷一千五百二十年沙立曼二世立，用兵  
 地中海，取羅底島，親將兵三十萬，攻匈牙利，越四年，大破之，圍維  
 也納，與人拒戰不屈，遂引兵轉攻日耳曼，掠地而歸，又用兵亞拉

伯南境，再定波斯之亂，陸軍縱橫，所向披靡，遂大興海軍，入亞非利加洲，伐埃及，克之，國力強盛，稱天下第一，其疆域西至奧大利，東枕幼發拉底河，南筦埃及全土，頗極一時之盛。嗣後百餘年間，兵力漸衰，一千零五十五年西歷一千六百八十七年，沙立曼三世在位，為俄羅斯奧大利波蘭諸國聯軍侵犯，失匈牙利及希臘南部。一千零七十一年西歷一千七百零三年，亞格默德立，應瑞典王甲列十二之請，於一千零七十八年西歷一千七百零九年，發兵擊俄羅斯，圍彼得大帝於布特魯，將俘之，其后加他隣賂以重寶，乞和，僅乃得免。其後連年與俄構戰，無虛日，屢失地於俄人，及馬母德二世為蘇丹，英明果斷，欲恢復國威，如唐之變，府兵為曠騎，盡散衛兵，興陸軍，召致法蘭西普魯士各國將校，精加訓練，設學校，制法律，刊行新報，翻譯書籍，以效法歐洲，開通風氣。埃及牧伯，墨非麥德阿立，因懷異志，與西里尼合兵，迫都城，蘇丹乃許其獨立，旋仍屬於土。定為世襲。一千一百九十五年西歷一千八百三十八年，俄人助塞爾維亞叛，許其自立，稱屬國。一千二百十八年西歷一千八百五十年，

(36)

三年清成俄帝尼古刺助希臘叛土耳其乃與英法奧義盟於倫  
敦聯軍擊俄艦于黑海破之其後巴爾幹半島相率脫其羈絆而  
獨立連年戰爭不息國勢大衰一千二百八十五年西歷一千九  
百零六年民歐洲大戰捲入旋渦與德奧聯盟向英法義俄諸協約國  
宣戰大戰既停依塞福爾條約本有亡國之禍幸得青年黨總理  
基馬爾將軍率其徒黨別立政府戰勝希臘治服英法因而轉危  
為安至於今日國勢日振中興之局已成事實不惟亞洲諸國望  
塵莫及即歐美諸強國亦不敢正視矣。

清

真

釋

疑

是書為前清乾隆年間翰林院四譯館教習金

北高先生著內載各教所疑清真教各項疑

問計數十餘條洋洋數萬餘言逐條加

以解釋並引中國各種經史之言以證明

之而其扼要之處又多以問答體出之凡有疑

於清真教之教道者得此一書洞如觀火毫

無障翳能令觀者如逢其故有了然於心之

妙不但教外人讀之疑議頓釋及教內人觀之亦

復受益不少全書一册定價二角外埠酌

加寄費如欲明清真教之教道者不可不

讀是書也

北京牛街清真書報社發行

欲知天道之

五功者不可

不讀欲知

五

功

釋

義

竟者不可不

讀欲得正

道者尤不可

不讀

北京牛街清真書報社發行

清真教以認主為宗旨以敬

事為工夫以歸根復命為

究竟苟不知五功之義則

認主而不知所事苟不知

五功之儀則事主而不得

其法苟不知五功之理則

入道無門修道無路是書

乃認主之導師事主之法則

入道之門徑修道之路途也

凡欲得真道並欲知清真教

之宗旨及究竟者不可不人

手一編也

每册定價大洋一角

外埠酌加寄費匯費

世界回教史畧卷下

南陽水玉璜子立氏編輯  
孟縣丁鎮南靜盦氏參訂

中國回教記

(1)  
回教之入中國，自隋文帝時，已有塞爾維第、幹哥士等四人之來華布教。蓋係穆罕默德聖人，從文帝之請也。見隋書嗣因大食國興，獎勵商業，唐室亦臻隆盛之期，設都護於西域，波斯等地，監轄屬國。於是大食與唐之交通，日益親密。時大食商人，縱橫四出，開通歐亞非三洲聯絡之航路，握東西兩洋海陸之貿易權，西於歐洲、非洲及地中海沿岸之名城巨埠，無不遍開商場，東於印度洋沿岸，游弋至南洋羣島、蘇門達臘、葛羅巴、波羅洲等處，均祇通商傳教，而無今日歐美各國之所以待南洋者之行為也。更由南洋開航路於我中國，立商埠於廣州、杭州、泉州諸港。亞洲全洲之航海權，全為回教人握之。至周武后天授中，亞拉伯人之來華而僑寓於廣州、杭州、泉州諸港者，以數萬計，建懷聖寺於廣州，以為會

堂。唐於諸港，置提舉市舶官，徵其海關稅，故東西兩洋之交通，實  
 回教開幕之功也。大食與唐既得海上貿易之交通，而陸路貿易，  
 亦接踵而起，從地中海東岸之安，由呼羅珊，中央亞細亞，天  
 山南路而來，通商於中國之長安，交通既繁，感情亦密，時中國之  
 邊外，回訖吐番，相繼雄強，回訖受大食之感化，遵奉穆罕默德之  
 教，按唐史憲宗元和八年，回鶻入貢，始以曆八月，尼魯二之可汗，或謂與此為初，因信乃奉食，而證稱，為回教之始，有訖之解，釋回字之義，者聚訟紛紜，無當也。  
 為回教，蓋回教之專名，詞何取義之有云，遂代表大食，而直接通好於中國。  
 初因信乃奉食，而證稱，為回教之始，有訖之解，釋回字之義，者聚訟紛紜，無當也。  
 日晏乃食，而證稱，為回教之始，有訖之解，釋回字之義，者聚訟紛紜，無當也。  
 回教之專名，詞何取義之有云，遂代表大食，而直接通好於中國。  
 鳴勒可汗，即蘇丹之音，又尚寧國公主，以聯秦晉之歡，當安祿山  
 之亂也，唐室不支，京師淪陷，明皇蒙塵西幸，賊勢猖獗，不可制，乃  
 乞援於回訖，借外兵以平內亂，收復兩京，使唐室再造，蔚成中興  
 之業，此大有勲勞於唐室者也。初與回訖約，許以子女玉帛相酬，  
 既而悔之，恐復釀變，回訖怒，縱軍暴掠，以踐其約，後聯盟吐番伐  
 唐，朝野大震，郭子儀知事急矣，單騎馳回訖軍，說其罷兵，願邦交

(3) 回紇統帥，約噶羅允其請，以罷兵馬。此為回教擴張勢力於中國之基礎。大食勇將克太巴之所有志，未逮者也。及武宗時，道教盛行，唐以奉其教武宗酷信之，嚴禁諸教之傳播，惟回教之流行，及回族之遷徙而來者，仍源源不絕。唐因維持國際交涉，故未之禁也。自是回教之在中國流傳既廣，信者益衆，繁衍發達，遂瀰漫於內地諸行省，信徒達數千百萬之多。歷宋、元、明、清，至今稱盛焉。烏虜麻矣！然余竊論中國大勢，古往今來，以數萬客族，而喧奪主人之席者，不勝枚舉，如晉之五胡，獨羗氏鮮宋之遼、金、元，以及於滿清，皆其彰明而較著者也。攷中國上古之時，苗民舊族，實盤踞於黃河揚子江之兩流域，暨黃帝之先，由崑崙沿黃河兩岸，率族人進逼茲土，黃帝起而漢族之勢力膨脹愈甚，一戰而敗炎帝，擒蚩尤，忽躍而為中國皇帝焉。至虞舜時，有苗弗率師，臨三旬而苗民逆命，此舊族之不甘為客族役也。久矣，及帝敷文德，舞干羽，七旬，有苗格，此亦優勝劣敗之勢使然也。其後夏、商、周，揖讓征誅，千有餘年，制度之修明，既臻完備，文明之開化，已達極點，苗族勢力，

(14)

日漸衰敗，非復漢族之敵。於是黃河以南，大江以北，遂絕苗民之足跡，盡窺居於南嶺西部，橫斷山脉之幽谷中，恃險自保，嗣經漢劉吳孫之屢次斥逐，其勢愈蹙，然猶往往為漢族之勁敵。剽掠出沒制禦無方，宋明兩代，撫馭更覺無術，至清中葉，而事變愈多，大小金川之亂，接踵而起，雖屢經剿滅，而餘孽未靖，至今猶患苦之。此漢族之在中國，亦由客族而變為主人也，明甚。其刈蓬蒿戰土蠻歷四千餘年之經營，始期於鞏固，而回族之始入中國，亦自亞洲西部，越崑崙之巔，溯黃河之源，游牧轉徙而來者也。按回漢民族同自西域，本出於一源，至今黃河揚子江之兩流域，回民均極發達，如新甘、陝、山、冀、魯、豫、滇、蜀諸省，為數尤眾，幾為中國西部之主要民族，而內地各處，寺宇林立，村莊相望，聚族而居者，隨地皆是。林總之繁，不下八九千萬。計中國人口共較之滿蒙藏各處於一隅，固不可同日語也。此足證中國回教信徒之眾，幾與漢族齊驅，並駕矣。然中國回民，自唐迄今，千有餘年，與漢人相處，畛域俱化，民教相安，夙稱親睦，並無齟齬衝突事，歷史具在，可覆案也。迨滿清定鼎，專

(5) 制嚴酷，防範回漢人民，壓抑尤甚，於是東南各省，長江上下之師大起，回民於順治五年，年穆罕默德辭世一千零十六亦起兵於河西，應之，陷甘涼，渡河而東，連陷諸州，遂圍鞏昌，號召義旅，衆至十萬，此實中國回民倡義謀變之始，而千餘年來，所未曾有也。是役也，陝甘大震，滿廷方汲汲於南部之憂，未暇西顧，總兵孟喬芳禦之，旋為所敗，清巡撫總兵各官均與於難，遂進陷肅州，關內外回民，蠢起響應，連取河西諸地，清軍力攻，始平之。迨乾隆御宇，好大喜功，平準部回部拓地於西，噶爾丹之役，幾全殲。準部民族，靡有孑遺，而回部民族，亦鑒於清軍之慘暴，義旗屢舉，以圖恢復，如大小和卓木，張格爾等之役，皆不甘為其奴隸牛馬者也。回疆既經重定，清廷重視藩籬，特設參贊大臣，轄治其地，而効其職者，率皆貪婪庸劣之輩，皇室乳臭之子，荒淫殘暴，無所不為，回民之忍無可忍，至斯已極。嗣值馬明新新教主明因倡新教，與舊教相仇，誦舊教主互相鬪毆，清廷藉詞平亂，草雉禽獮，孺者幾數千人，慘虐無道，極矣。於是有張阿衡者，激於義忿，遂據石峰堡以變，此固

(6) 官吏激成之也。由斯而譚，回民之在中國，千有餘年，既相安於無事，至於滿清，而事變屢起，厥故何歟？皆由於清政之不綱，官吏之虐待，有以激之，而使然，無可為諱。嗣後清廷之待遇回民，防範甚嚴，官吏之壓抑尤甚，其忿懣不平之氣，積之又久，未敢遽發，及至同治元年，穆罕默德辭世一千八百二十二年金陵克復，太平天國既亡，洪秀全全國號餘黨北竄，遂縱橫猖獗於秦豫之郊，李文忠公鴻章建議，令民間組織團練，以資保衛，時陝西回民，在渭河沿岸，戶口極繁，渭華二縣，為數尤眾，漢回之間，惡感甚深，積不相能，適尋釁械鬪，有漢民之桀黠者，華縣呂聖里，生員王炳字煥臣蓄意傾陷，親繕稟命，其徒生員范廷魁，偕第三子貢生鑑堂，入省告變，見華州誌三續攻詰回民，將有謀反之事，大吏信之，清時大吏如乾隆時廣西巡撫朱椿年，嘉慶時兩湖總督陳世瑄，皆有奏請處分回教之禍，本晉駁斥陝甘之役，若有疆吏深明大義，秉公辦理，自能彌縫戰禍，消患無形，惜乎成見在胸，推波助瀾，遂釀命巨紳張芾往查治，於是民間謠詠繁興，剪滅回回，風聲所被，遠近震動，恐大難之來，如迫眉睫，鋌死走險，急何能擇，遂戕張芾，揭竿之眾，騷

(7)

然而起於渭南之蒼頭鎮矣。時清派多隆阿率滿洲兵入關剿辦，不分良莠婦孺，凡係回教，全行慘害。左宗棠繼之，殺戮尤多。又聞捻魁陳得才，竄伏西陲，與回民聯合，遂率軍西向，與回民大戰，破之，乘勝西進，而甘肅新疆回民聞之，羣起自衛，竭力抵禦，聲勢尤大。其首領如董志原、白彥虎、余得彥等，各樹一幟，與清兵相遇，此外馬彘三據西甯，馬占鰲據河州，馬化龍據金積堡，均具有特殊勢力，而新疆以外各回部，聞清廷虐待回教徒，亦起兵入關援助。關內外全非清有，清廷患之，有建議認其獨立者。左宗棠力主進兵，排衆議而行之。清帝聽其議，付以軍事全權。先平陝境，殺戮回民以數十萬計。三輔之內，除省垣外，數百里間，幾絕回民之踪跡。可想見當年之慘劇焉！陝事既定，而甘新二省，於光緒三年，依次結束，回民之慘遭殺戮者，莫知紀極。過平涼之野，則淒涼滿目，入玉門之關，則玉石俱焚，哀哀浩劫，真令人痛定思痛矣！當同治十二年，穆罕默德辭世一千八百七十四年雲南亦同時舉義，以為甘新之響應。首領杜文秀據大理府，定為都會。馬連陞據曲靖，馬德新

(8)

據雲南府，創業垂統，頗極一時之盛，今弔古者，所謂滇池洱海間，鍾王氣，金馬碧鷄，皆山名。代生偉人，殆指乎此，而感慨係之矣！時清政府，調民賊岑毓英，規復之。岑撫用回教徒，馬如龍、楊玉科等，為以回攻回之策。杜文秀等為所給，馬德新以省城降。馬如龍入居之，旋大理府為楊玉科攻克，文秀仰藥死。雲南悉平。岑毓英本為廣西苗族，性喜屠殺，剛暴慘忍，毫無人理。所至之地，回民無少長，皆誅戮之，殺人無算。其尤慘者，在大理府南門外十里舖，待遇降卒數萬，伏兵起，盡殺無遺。光殘之狀，概可想見。事詳岑毓英年譜。今有大坟，曰回教萬人塚，即當年被殺而葬其屍者，寃骨纍纍，見者鼻酸，嗚呼！是亦大可哀已！綜觀回教流傳中國，千餘年來之情事，唐時無論矣。由五代及宋，教益盛行。元室崛起，滅宋滅遼，混一亞域，乃祖成吉思汗，及鐵木兒等，亦嘗用兵西域，相率崇奉回教。天山南北路各部民族，亦靡然從之。佛教大衰，由是回教徒英才輩出，極為元室所擢拔。如哈撒賽典赤，功業之隆，冠絕一時。元初得西域，地極廣，交涉最繁，故重用回文，及回才，設有回教大學。

(4)

以資培養。文宗時，制定官制，以各道廉訪司官用蒙古二人，畏吾兒河西，回漢及南方各一人，及順帝至元二年，詔以蒙古人充各路達魯花赤，漢人充總管，回人充同知，永為定制。於是人文蔚起，於斯為盛。明太祖崛起，一時攀龍附鳳之傳，虎賁熊羆之士，相率景從，佐成帝業。如常遇春、沐英，以及鐵鉉等諸名將，皆回教徒也。後如中官鄭和、雲南人，遍歷西南洋海，大樹中國之威，論者謂鄭和為中國之哥倫布，雖揄揚過當，要之中國數千年，能以冒險闢地於海洋萬里外之偉人，如鄭和其人，誠絕無而僅有矣！鄭和亦回教徒，或疑南洋羣島、蘇門達臘、噶羅巴、波羅洲、腓律賓，以及馬來半島等處，回教盛行，皆因鄭和至其地，島人誤以中國為回教大國，震其威，而遂奉其教。或云係鄭和勸之，實則南洋各島之奉回教，皆由亞拉伯傳來，唐時而已。然不自鄭和始也。鄭和入南洋，民均奉回教，故隨從皆回教人，有學士馬濟，頗極一時之盛。及滿清入中國，待遇回民，初無畛域之分，每以回民常具尚武精神，勇敢好聞之名，震天下，甚器重之，猛士雄將，

世有其人，如哈元升，尤其傑出而特著者也。其他赴赴武夫，寄為干城之選者，車載斗量焉。亦云盛矣！辛亥之役，武漢倡義，東南各省同起響應，而陝甘新疆亦相繼光復。回教將領馬安良、馬福祥、馬麒與有功焉。迄今民國成立，已十九稔，東北風雲日加緊急，反動餘孽，時思倡亂，南北紛爭，羣雄割據，甲仆乙興，再接再厲，惟回教民族甘居退讓，誓保和平，不為權利競爭。雖回族有優待之條，而回民却無要求之事，藉以勵未俗而挽頹風，倘能各顧大局，早謀統一，懍兄弟鬩牆之戒，重胡越同舟之誼，共和永固，五族同光，民國前途庶幾其有另歟！

## 印度回教記

印度為亞洲南部之大國，波羅門教及佛教之發源地也。在世界各國中，開化尚早，印度素無歷史，有之，祇零零碎碎之內爭，侵伐，私鬥，英雄奇績，宗教故事，浪漫寓言之紀錄耳。自回回人到印度後，始而經商傳教，繼而設學校，開醫院，雖於民智方面，多所啟導，然尚無一有統系之記載，遺留後世。及穆罕默德辭世之三十二

(11)

年，西歷六百四十四年大食人至旁遮普，無多成就而去。七十九年，西歷七百一十一年遣卡母西大將，率專門家多人，並帶亞拉伯兵，平其內亂，而得信地一省，以為報酬，自是而後，印度始有高尚文化，而歷史之紀錄，亦可得而見矣。今日史家，每談印事，考察甚便，無不歸功於回回人，是為回教有功於印度之第一偉人也。一百一十八年，西歷七百五十九年信地叛變，旋征服之。當西歷九百年之後，印度大亂，全國不安，災患流行，盜賊風起，回回教人，辦賑最力。惟政治不統一，故大局難安定，幸有亞爾巴台金者，曾任東薩拉森帝國呼羅珊省總督，信回回教，憐印度人，代平內亂，共十二次，始事平後，被舉為王，建歌吉寧王朝，在位三十三年，頗著政聲，故其去世之日，時為至聖辭世後之三四四年，西歷九七六年，即宋太宗太平興國之元年也。民皆泣之。子伊薩克繼位，二年而殂，無子，妹婿蘇布克提金氏即位，所得土地尤多，所興事業亦衆，蘇布克提金殂，長子馬穆德立，銳意經營，國勢更强，前後平大亂十七次，建設二十五年，而學術之昌明，商業之獎勵，外教之保護，

(12)

回教之提倡，均有絕大成績，史家至今稱之。至一零三零年（即宋仁宗天聖三年）正，至聖辭世後之三九八年也。駕崩，各國來弔，舉國稱哀，自此以往，歌吉寧朝，又復享國一百五十餘年，皆稱太平，印人至今猶感念不置也。按歌吉寧王朝前後共傳一十四世而亡，次為高爾王朝，乃繼歌吉寧朝而續起者。按高爾為土耳其人，久在阿富汗境內之侯勒特附近，為一小邦國王，乃當時回教中最重團體之一明君，直至其子阿拉胡丁登基，國勢始振，乃取歌吉寧朝而自代之，是為高爾王朝，入主印度之初步也。阿拉胡丁殂後，子塞福胡丁立，甫一年而被弑，從弟格亞氏胡丁立，時印度又大亂，乃以其弟希哈潑胡丁為大將，平定全印，而有西北中三印度。未幾，南方諸小部落，各自爭霸，紛亂不已，民苦日深，此則以地相許，彼則以利相誘，皆欲高爾王朝作一強有力之後盾，然高爾人迄不為動，後因流血過甚，幾有率獸食人之勢，於是希哈潑胡丁氏乃奉王命，而平其亂，以救民於水火。因是，幾有印度全國。迨格亞士胡丁駕崩，遺命以希哈潑胡丁歸國繼位，希哈潑胡丁

自就王位後，乃於五百七十六年，西歷一千一百九十九年遣裨將  
 巴克鐵亞兒者，率兵入孟加拉，驅逐努底亞之首長於境外，故印  
 度自印度河至布拉馬普得拉河，悉就範圍，五百七十四年，西歷一千  
二百零六年宋寧宗開禧二年，麥尼氏駐節印度河岸，被刺死，後其部將柯達伯  
 亭氏領其地，號稱特里王，建得勝柱，高際雲霄，表著功績，迄今巍  
 然猶存，立國幾歷百年，為法羅寺氏所滅，六百六十二年，西歷一千一  
百九十四年元世祖法氏姪亞拉額亭氏立，又得印度南部之壁爾  
 薩台干之狄烏格里麻哈拉德之都城，大有統一全國之勢，後派  
 將士分路經略，第一路亞拉夫汗氏率兵至古直拉德，遂逐安納  
 瓦爾之刺日不的王，攻取其地，自任第二路，入刺日不德拿，突攻  
 吉都爾之石堡，破之。第三路軍，以麻里哈福爾氏統之，深入印度  
 南部，破滅特佛田族，一時兵力所向無敵，故亞拉額亭氏之名，至  
 今印人猶稱頌也。在位二十二年卒，杜科拉克氏立，以後則因子  
 孫孱弱，屬地多叛，歷七十年始為蒙古鐵木兒所滅，七百六十六  
 年，西歷一千三百九十八年明太祖洪武三十一年，鐵木兒為成吉思汗之裔，起於撒馬

(14)

爾罕，得阿富汗，中央亞細亞，入西伯利亞，伐俄羅斯，進圍莫斯科，城旋入印度，至特里遂返，撒馬爾罕，復用兵阿里布一作亞拉伯及大馬士革二城，自西里亞長驅美索波達米亞，於巴比倫城故址，上建一高塔，以作壯觀，而誌勝績，與土耳其王，巴牙盾戰，擒之，遂逼東羅馬為其朝貢國，七百七十三年，西歷一千四百零五年出兵侵中國，卒於途次，八百九十三年，西歷一千五百零五年孫巴貝爾者，王於阿富汗，建都喀布耳，復進攻印度，洛狄朝之王，伊伯拉希木氏戰于班尼伯的，勝之，遂定蒙古國基建設莫卧兒政府，當七百十五年，西歷一千三百零七年之頃，亞拉額亭氏初建巴曼尼政府，於古爾巴哥，繼遷於比德爾，營造宮殿，及清真寺，極為宏麗，後都於台干，裂為五國，各自主政，九百三十三年，西歷一千五百零六年明世宗嘉靖四十四年，五國聯軍，共擊佛日秧那加爾之王，戰於托律科達，王敗績，死之，遂滅其國，是時印度內部紛亂日甚，惟土耳其回族之在台干主權，依然崇隆，奧蘭格什寧氏，在亞麥達巴德一帶，建立回教國，自七百五十九年至九百四十一年，及阿富汗

人，在孟加拉之卑爾，建立回教國，自七百零四年至九百四十一  
 年，均歷二百餘年，始抵於亡，當巴貝爾之攻伐印度也，強半疆土，  
 已歸所有，號印度皇帝，聲勢之勝，埒於乃祖鐵木兒，又擊破吉都  
 爾之刺日不的國，於亞加拉之稅克利，八百九十八年西歷一千  
年明世宗薨，子哈麻年明世宗嗣位，再與叛徒蘇沙爾氏戰，勝之，權勢  
嘉靖九年復振，九百二十四年西歷一千五百五十六年，子亞克巴爾立，  
 於九百十年死於九百五十九年年僅十四齡，得博達克宣人貝  
 蘭木罕為傅，精韜略，善戰術，擊阿富汗之叛離者，首拓權勢於旁  
 遮普，及環特里亞加拉一帶，七年之間，頻事戰爭，九百三十六年，  
年西歷一千五百六十八年攻吉都爾之刺日不的城，又克亞日迷  
 爾，越二年，取烏德，及格瓦律倭爾二省，又二年，亞氏自將兵至古  
 直拉德，併亞麥達巴德為省治，遂阿富汗人於孟加拉境外，拓地  
 之廣，威勢之盛，開前人未有之宏業，然亞氏之壯志，猶未已也。九  
 百四十六年西歷一千五百七十八年，更取阿里薩，附屬於孟加拉，  
 又三年，降加普爾，又五年，收克什米爾，旋又併信地，及康達哈爾

二省進攻台干，取比拉爾一部，並遣大將奧蘭格什博，經營南服餘地，威力加於全境，此為統一印度極盛時代。亞氏武功既盛，而政治經驗，又極宏富，制定印度賦稅，尤為人民所稱道。在位六十三歲，卒，葬於亞加拉之希干特拉村。子監漢吉嗣位，二十二年，承平無事，子夏加汗繼之，喜興土木，建特里新城，築造宮殿，及清真寺，壯麗無匹，又建大吉馬赫爾碑樓，工程極浩大。子奧蘭格什孛繼之，國勢顯赫，極為隆盛，為蒙古朝在印度末代真掌王權之人，以回教為全印度之國教，在比那利斯城，建築清真寺，輪奐壯麗，莫與比倫，有塔極尖，森高三百尺，緣級梯可升而上，又進取台干，擴權勢于印度極南，以償夙志。時印度南部已建立回教國二，一曰北日不爾，一曰哥爾康達，雄視於南印度，至是為奧氏所併，一千零六十五年，西歷一千七百零七年卒，國勢漸衰，繼位十主，均無紛亂，一千一百零七年，西歷一千七百零七年卒，國勢漸衰，繼位十主，均無莫卧兒帝國衰微之際，將兵入興都斯坦，勢如破竹，莫能櫻鋒，又有土科曼族，亞蘇夫甲於一千零八十年，西歷一千七百一十二年於

(17) 台干之赫德拉巴地方建設政府又有波斯人薩塔亞里汗於一千零八十八年西歷一千七百二十年據烏德之薩索亞特爾自主而麻哈拉德則據西部全境及印度中央之半莫卧兒帝國已有土崩瓦解之勢至一千二百二十五年西歷一千八百五十年德爾宣在位彼時荷葡英法等國已在印度各施侵畧憤英人之暴橫圖謀恢復不克被流於緬甸至是國亡歷三百三十年而五印度之主權遂完全為英國之藩屬矣此外雖尚有一極小部份為荷法等屬地然不足稱亦不能為英患故從畧焉攷印度為亞洲大國之一人口繁密僅遜於中國據英人於一千二百三十九年西歷一千八百七十一年清查戶口冊總數為一百九十九萬六千六百零三人而蠻族未開化之地尚不在內計奉興都教及回教者二十人中必有十九人約略計之回教共四十兆二十二萬七千五百五十二人據最近調查回教確數約八九十兆之多其中分為四族一曰蒙古約二十一萬餘一曰阿富汗約一兆八十四萬餘一曰稅伊德約七十九萬餘一曰蟹克斯約四兆七十萬

(18) 餘。又戶口冊籍中，中特族約一兆三十餘萬，刺日不的約七十餘萬，葛甲爾斯四十二萬餘，俾路芝族之在旁遮德者有二十三萬餘，居信地者約十四萬餘，而孟買地方又有特別者三族，專操航業，為亞拉伯在印度洋岸最古之裔孫。一曰門莽斯，多在信地一帶，約四萬餘。一曰波爾拉斯，約八萬餘，居古直拉德。一曰科甲斯，約二萬人，半居孟買島中，而南印度別有一族，名德克漢尼，其數甚多，此外尚有二族，一曰麻不拉斯，數近六七十萬，一曰拉貝斯，數逾三十餘萬以上，僅就各族之約略統計，至於內地與佛教波羅門教職業相同，不易分別者，尤占印度回教之大部分，此回教在印度人口數目之大概情形也。其居住之地，以印度河流域，上自白沙瓦，下迄喀喇池，為最稠密。孟買信地二屬，每百分中占七十八分，旁遮普五十三分，白沙瓦邊境幾及九十三分，西北部，烏德等處，二十三分，孟加拉全境，三十三分。波拉格拉日宣赫，竟有八十分。其餘所在皆是，故回教在印度民族中，因歷代政治上之努力，頗占優勝地位焉。茲更將回教種族人數，及住居地，列表如

下

# 印度回教人口居住一

德	科	波	門	俾	葛	甲	亞	蟹	稅	阿	蒙	種
克	甲	爾	芥	路	甲		拉	克	伊	富		族
漢	斯	拉	斯	芝	爾	特	伯	斯	德	汗	古	名
尼	孟	斯	信	信	斯	刺	孟			西	旁	居
南	買	古	地	地		日				北	遮	住
	島	直				不				部	普	最
部		拉				的	買					多
		德										之
												地
												人
人口甚多其數未詳	二〇〇〇〇	八六〇〇〇	四九〇〇〇	一四五〇〇	二三五〇〇	四二四〇〇	一三〇〇〇	四七〇〇三	七九〇九八	一八四一六	二一九七五	口
												數

世界回教史卷下

北平清真書報社印



發達，與中央亞細亞、波斯、歐羅巴，互通貿易，開闢之商埠，為古所未有，可知商界勢力之偉大矣。其時海權日盛，初僅東方海面，為回教人所有，繼而地中海、大西洋面，亦但見半月徽幟，與水光相掩映，羅馬軍艦，無復隻影之存，故今航海家所用之詞，語及羅盤，皆為回教人之貽也。及大食國衰，回教亦派別羣分，不相統一，亞拉伯人在東方之勢力，亦隨之而亡。當三百五十年，西歷九百八十五年有喀馬星一派，初創於西里亞，而播及麥加，復輸入印度，勢力頗盛，佔摩耳丹，及曼秀拉兩城，越五十年，為阿富汗蓋實尼王，馬默德所奪，至是亞拉伯人在印度信地之威權掃地以盡。今攷印度民族中，亞拉伯人最佔少數，所有回教，以蒙古等族為最多，觀前表可以知其大概矣。子

### 亞細亞洲西部回教國合記

(21) 亞細亞洲西部中部之間，有高原，曰伊蘭斯坦，為西方亞細亞之總名，即波斯、阿富汗、俾路芝三國是也。波斯在穆罕默德辭世之

二千七百年前，西歷紀元前二千一建立為國，一千一百年前，西周前五百三十四年，有太流士，英武過人，征滅諸國，版圖東至印度河，西濱地中海，北負裏海，及黑海，南臨伊西阿比，及亞拉伯灣，疆土之大，前古未聞，嘗與歐洲希臘羅馬，為伍，赫赫著稱於歷史。及穆罕默德辭世之年，西歷六百三十二年，顏思第歌兒為王，旋為外患禦戰，敗績，其子伊嗣侯，求援於中國，及土耳其，不克，遂降為大食國屬地，舊日國教，本奉伊斯蘭之古教，後有一部分之愚民，崇奉二神，一曰和爾摩，為善神，一曰亞利曼，為惡神。教祖曰瑣羅斯的，即所謂妖教。一名挑筋教，一名景教是也。自大食執政後，人民均改歸回教，三百零八年，西歷八百四十五年將軍太厚，叛據波斯獨立，二百三十六年，西歷八百零六年波斯人阿馬，亦建設色法里政府，攻滅太厚，三百零一年，西歷九百三十四年色法里政府亡，馬大道拉起而代之，建立蒲牙狄政府，及土耳其王孫馬毛多併吞諸部，遂為所滅。時穆罕默德辭世之四百年也。西歷一千一明年道宗元年，西歷一千一土耳其王，達魯別克立，色舒格政府，旋為蒙古所奪，七

百六十九年，西曆一千四百零一年有伊斯馬兒者起焉，有至德世  
 人崇為神人，子達馬斯，十齡嗣父為王，在位日久，國內大治，文明  
 日進，其弟穆罕默繼之，與土耳其不和，構兵二十餘年，戰敗割地，  
 旋恢復之。又取葡萄牙，所轄東方之地，土宇日廣，政治日修，東至  
 印度河，西抵第格里斯河，頗臻強盛。時穆罕默德辭世之九百九  
 十年也。西曆一千六百二十二年嗣後國內多故，又屢發生不幸之  
 外患，苦戰多年，領土日蹙，及一千一百八十一年，西曆一千八百  
 十三年清嘉慶  
 十八年，英俄二國以疆域相通，勢力均等，波斯介居兩大之間，常受  
 其壓迫，今日民智大開，國勢日興，于東方政治舞臺上，佔重大之  
 位置，一千二百八十八年，西曆一千九百二十一年與中國訂通商  
 條約，此為近世回教國與中華交通之始，計共七條，附誌于後。阿  
 富汗本為波斯東境，七百六十年間，西曆一千四百零九年蒙古人巴  
 爾據之，蠶食印度諸部，子孫相傳，歷二百餘年，一千零九十二年  
 西曆一千七百二十一年，西曆一千七百二十一年攻波斯，併其地，越十七年，波斯復興，其王那  
 日爾撒盡銳東伐，滅阿富汗，旋有亞美沙者起而恢復之，與波斯

(24)

角立，一千一百五十七年，西歷一千七百八十九年國亂，印度塞哥部王，林日星掠其數城，國勢不振，時俄人欲圖印度，英人危懼，乘亂起兵，干預內政，阿富汗人大忿，於一千二百十九年，西歷一千二百一十九年清道光十一年十一月，襲英人，不利，踰年，再攻英人，於格爾鐸客索耳山，隘殺其將卒，二萬餘人，進攻熱拉巴的，英政府聞之，遣耶連薄羅，率兵救之，焚阿富汗村落，剽掠貨財，以為報復，阿人更為忿恨，英知不可勝，遂與阿王穆罕默德求和，子阿立繼之，滅希臘城，以約伯干為鎮將，內亂全息。一千二百四十八年，西歷一千八百零六年愛白杜拉曼在位，擴張其勢力於全國，平定愛育白可汗，及愛米兒之亂，國勢之盛，遠邁前軌，并征服其東北生番，疆域沿阿克蘇河，屈折而來，與中國接壤，東毘印度，於是擴張軍事上之權力，以鎮服英人，集權中央，王室大張，一千二百六十九年，西歷一千二百一十九年清光緒七年，子哈畢布拉嗣位，遺烈至今，猶未泯焉，俾路芝為亞細亞洲一海國，東北接印度境，東負信地，北界阿富汗，南臨亞拉伯海，西連波斯，此地歷史不見著於前，當大食國軍隊東征之時，

曾經過之，攷其民，係布拉犖族，且其地產名馬，確為亞拉伯別種，故人民亦間為亞拉伯種，無可疑焉。全國皆奉回教，有奈低爾者，由波斯侵入印度，遣兵至俾路芝，植其勢力，命阿不度拉汗，繼其國統，次子諾西爾汗，從奈低爾征印度之特里，有戰功，歸奪其兄海吉穆罕默之位，統轄俾路芝全部，稱藩屬於阿富汗，時一千一百零七年也。西歷一千七百三十八年宣告獨立，阿富汗於一千一百二十六年，西歷一千七百五十八年王阿曼阿不度拉，攻之，戰敗，乞和，在位五十六年，薨，長子摩慕特冲齡踐祚，柔闇，殊甚，國遂大亂，旋為英人侵略，設總督於其國，一千二百零九年，西歷一千八百零八年英人認諾西爾為汗，是為克勒特政府，蓋其父彌勒勃，嘗結英人，攻阿富汗，旋被英軍戕害，及一千二百二十二年，西歷一千八百一十一年與英人結約，五條，攻守同盟，並受其指揮，後國內紛亂，歷二十年，俾英之約，多所破壞，其好遂絕，土耳其斯坦，在亞細亞洲之中部，即中國新疆以西各地，全奉回教，初奉各種雜教，穆罕默德五十九歲時，西歷一千八百二十六年

九年貞觀三年唐太宗宗唐僧玄奘至其地，據云庫丹有大寺百所，僧侶五千，  
 所誦經典，悉屬梵文。然其時佛法已有衰落之象，及回教大興，時  
 大會人，克太巴經營土耳其斯坦，撒馬兒罕，佛爾哈納，塔什干，及  
 浩罕等部，後復進至東土耳其斯坦，直至土魯番，及中國境而止，  
 遂更傳播回教于其地，旋入河西，部人之手，（即突厥國）穆罕默德  
 辭世之四百年頃，西歷十一世紀蒙古種之喀拉契達族人，佔領  
 之，據其巨城基華，越二百年，成吉思汗馳騁於中國，東西土耳其  
 斯坦，印度，波斯，俄羅斯，匈牙利等國，五百八十八年，西歷一千二  
百一十三年嘉定取喀什喀利亞，及鐵木兒之世，擴張其勢力，於崑崙山，  
 篤奉回教，由阿克蘇遷都喀什噶爾，其子再遷於撒馬爾罕，未幾，  
 鐵木兒蘭崛起，戰勝東土耳其斯坦，於七百五十七年，西歷一千  
三百一十八年武二年，明太祖洪惡天山族人將來入寇，提兵至喀什喀利亞，禁止  
 邪教，崇信回教，並保護各有名之大教，其後二百餘年，布哈拉及  
 撒馬兒罕二城，為回教文化最盛之區，學校林立，通人碩彥，相繼  
 輩出，後有布拉哈之摩拉人種入，東土耳其斯坦，回教信徒，勢力



伯文之石碑，記述當年情形，較之近世為勝，文明事蹟，均極發達，昔日崇煥之禮拜寺，今已傾圮，蓋西土耳其斯坦，當蒙古西征時，為戰場者已數百年，焚掠殘殺，精華殆盡，又教中分黨自雄，爭戰不決，則乞援外國，此回教文化之所由衰頹，而俄羅斯得以遂其蠶食之志也。今俄屬中央亞細亞，高加索，及歐洲南部等處，均係回教民族，屈伏於虐政之下久矣。乘其內亂，相繼獨立，尚未大見成功，嗚呼！今安得有鐵木免其人者乎！雪百年之大恥，還歷史之光榮，更能聯合中國，以保各弱小民族自立而謀亞洲和平，即所以謀世界之和平，則馨香尸祝之矣！

## 附 中波通好條約全文

中華波斯通好條約於民國九年間曾經我國駐義公使王廣圻與波斯駐義公使伊薩剛接商妥協並議訂條款七條嗣因我國王公使轉任荷蘭公使此事亦暫擱置及唐在復派充駐義公使與波斯駐義公使賡續議定業於本年二月初六日在義京羅馬簽字互換茲覓得該條約

原文照錄於下此即亞洲大陸主義之發軔也  
中華波斯通好條約

中華民國大總統波斯帝國大君主咸欲樹立兩國間友好之關係以其臣民或人民交相獲益之條約鞏固之因是簡派全權中華民國大總統特派駐義公使王廣圻為全權波斯帝國大君主特派駐義公使伊薩剛為全權兩全權在羅馬各將所奉文據互相校閱合例議定之各條款如左

第一條 自締約之日起兩國政府及臣民或人民至誠和好歷久不渝

第二條 兩締約國得派大使公使代辦及其館員除關於領事裁判權者外享受之待遇及特權與豁免利益均與其他最惠國大使公使相同

第三條 締約兩國之臣民或人民在他一締約國領土內游歷或居留時受所在國官吏及本國派駐官吏之待遇及保

護

第四條 兩締約國之臣民或人民在他一締約國游歷或居留時服從所在國之法律倘遇有訴訟爭執犯所有法律上之一切輕重罪案歸所在國即中國或波斯國法庭審理

第五條 兩締約國得派總領事正領事副領事代理領事駐紮於彼此容許諸外國同等官吏所駐紮之重要城邑及口岸除領事裁判權外得享受最惠國領事官之同等特權以上官吏須照通例於未到任之先得有所駐國政府發給執行職務證惟商人不得派充領事官僅可派為名譽領事

第六條 本約用華文波斯文法文三國文字各繕四份解釋約文時遇有疑義之處應以法文為準

第七條 本約由中華民國大總統波斯帝國大君主按照各本國立法通例批准批准後以最早日期互換  
為此兩國全權畫押蓋用印信以昭信守中華民國九年六月一日回歷一千三百三十八年九月十四日西歷一千九百二

十年六月一日

亞拉伯近世記

亞拉伯為亞細亞洲西南端之一大土股，即回教所稱之天方也。西界紅海，南界亞拉伯海，東界波斯灣，北界小亞細亞，自穆罕默德崛起於麥加城，而亞拉伯之名，遂烜赫震耀於史冊，前編已述之矣。自大食國亡，土耳其代興，亞拉伯全土，幾歸其統治，當二百九十七年，西歷九百二十九年有卡馬星者，起於波斯灣之巴林，及喀他耳兩地，以其所部，橫行全境，攻陷麥加聖城，遷聖石，往哈薩者，十二年，爾巴士政府，疲於奔命，無如之何，歷二百年之久，始行平定，而亞拉伯之受其蹂躪已大呈凋敝之象，後各地均自立為國，不相統一，土耳其遂得兼併而有之，一千零五十九年，西歷一千零五十九年有回教之革命家，瓦哈白者，生於內惹德之和雷，清康熙三十一年有回教之革命家，瓦哈白者，生於內惹德之和雷，來拉城，研究教旨，革除陋風，必期與古爾阿尼真經適相吻合，而後已。時亞拉伯之教派，有所謂喀里日者，有所謂克沙亞者，有所謂沙里德者，有所謂乙斯馬里德者，有所謂卡馬星者，初創於西

里亞，遂蔓延於麥加，呼聖名而不諱，或飲酒，吸煙，而不忘，均為經  
 典所禁，瓦哈白倡議改革之，人民徂於積習，多數否認，亞奈城王  
 反對尤力，旋得雷地夷亞王，歐克之助，教遂大行，迨一千一百五  
 十九年西歷一千七百八十年十一月一死，歐克繼傳其教於四方，到處受  
 人歡迎，其子阿白特嗣位，遂為內遮德之王，復取阿蒲，與乃查蘭  
 兩部，歸入版圖，大有席捲之勢，麥加城長，加里伯大恐，請土耳其  
 發兵遏制，不戰而去，瓦哈白遂攻麥加，克之，聲勢大振，君權無限，  
 遣大將奴克塔，及哈克連次，攻敗西里亞之土耳其兵，又北至幼  
 發拉底河之阿那城，均遵奉其教，旋有土屬埃及王阿立，攻取麥  
 加，瓦哈白之勢稍衰，時內遮德王，沙倭德死，子阿伯特阿拉繼其  
 位，次年與阿立戰于別沙峽中，大敗，時一千一百八十三年西歷  
八百五十五年清仁也旋為阿立義子，伊伯拉心所攻，於一千一百  
八十六年西歷一千八百一十八年十一月國破，被俘，解送君士坦  
 丁堡，斬於聖蘇斐亞之清真寺側，其子忒耳薩，漸集義民，力圖恢  
 復，孫弗什耳再繼之，勢力為之復振，今亞拉伯境內，哈撒哈里克

內遮德全部，喀心，也門，以北諸部，及阿爾西，皆崇奉之，隣部咸震其威，亞拉伯之南境，有阿曼國，一千一百零九年，西歷一千七百零六年乾隆也門王族，沙倭德者，逐波斯兵，被舉為王，國內富庶，漸臻強盛，領土亦日見開拓，波斯灣中之巴林奧默斯拉雷日大可什木諸島，及其沿海兩岸，非洲瓜達夫伊角迤南之海岸，以及索哥德拉桑給巴爾諸島，均為所有，成一鞏固之亞拉伯國，至為興盛，今亞拉伯西部，自巴勒士丁，至巴布尼爾蠻得峽止，東部自幼發拉底河之巴斯起，至阿曼之邊境止，皆為土耳其屬地，南部亞丁灣，被英國佔據，其自主之部落，有亞西爾國，為歇克即長老愛米爾即官長統治之。又有也門國，分三十山縣，為蘇丹即國王統治之，都於薩那，城中寺宇圓圓極富，內地尚有數自主小部，東北如加拉比沙沙蘭加丹他司里司厄爾庫貝葉耳等，均為自主。受治於歇克之下，哈特拉毛部，佔地極大，各部亦均自主。中央內遮德高原，分為二國，各自獨立，一居禪廟，其王伊布拉希德，最稱英明，一都里亞德，二國結為聯盟，教派亦較他部為正云。

亞拉伯自穆罕默德崛起以來，縱橫於歐亞非三洲之間，回教凌駕乎基督各教之上，吁！何其盛也！曾幾何時，民氣衰頹，蹶不復振，一敗於十六世紀（指西歷言）之土耳其，再敗於十八世紀之埃及，三敗於十九世紀之英吉利，而亞拉伯夙號為世界文明之母國，乃降為弱小之民族，吁！何其戾乎！夫同此土地，同此人民，同此氣候，而今昔大異若此，殊堪詫異，然其宗教法律，為全球居民四分之一所敬仰遵守，亦足自豪矣！今攷內部宗派，日趨複雜，雖宏綱巨領，仍萬殊而一本，惟繁文縟節，則此是而彼非，遂啟各國信徒見異思遷，變本加厲之漸，殊可嘆也！茲將亞拉伯最近宗派及其奉行之地，列表如下，藉資考鏡焉。

子立

亞 拉		教 別	宗 別	派 別	崇奉最多之區域
回					
正 宗					
瓦 哈 巴	馬 立 基	撒 弗 依			
內遮德夷馬哈里克阿發拉日阿爾西諸部	東方諸部如哈撒加的佛巴林喀塔耳等部	也門黑加斯二部			

# 伯教派表

非回教

教

# 旁宗

漢內飛	庫瓦里	阿巴爾	乙斯具	實地	希阿
西部土耳其及印度人之流寓者	哈撒巴林喀塔耳	阿曼	西里亞	也門	均為外國居留人
					馬拉與南卓佛部

## 南洋羣島回教記

(35) 南洋羣島，星羅棋布於印度洋及太平洋之間，扼東西交通之孔道。當大食國興盛之時，亞拉伯商人航海至中國南部，帆檣林立，往來不絕，而南洋各島之人民，本極野蠻，幸受回教文化，乃知禮義，故南洋各島之奉回教，為時最早。讀瀛涯勝覽（馬彬著）及瀛槎勝覽（費信著）諸書，可以知其大概。馬來土股，適當衝要，其中民族，可分三種，曰秦人，即暹羅人，曰馬來人，曰尼華里土人。而馬來人，較有文化，崇禮回教，其亞拉伯人之裔孫，則係摩亞爾族，當穆罕

默德辭世之六百十八年，西歷一十二百十五年蘇門達臘島人，入  
 馬來島，築城於西南岸，曰麻刺甲，建立小國，自是蘇門達臘，奉回  
 教，而有文化之馬來人，遍居全土，股至八百九十七年，西歷一十一  
 年明武宗正德六年，宗葡萄牙人至佔麻刺甲，歷一百三十年，又歸荷蘭，至一  
 千一百九十二年，西歷一十八百二十年荷蘭與英易瓜哇之班庫  
 蘭，至今遂為英國所有，巴布亞除澳洲外，為世界第一大島，種族  
 極為複雜，其居住西部濱海之馬來人，較有文化，回教盛行，初為  
 摩鹿加羣島，巴珍基壁兩回教王所領，其後狄多里島之回教王，  
 亦認巴布亞為其屬土，分為四小國，一曰錫九，一曰撒拉瓦底，一  
 曰默索耳，一曰威噶馬，均推狄多里之回教王為盟主，後雖稱藩  
 於荷蘭，然仍自主其地，至一千一百六十一年，西歷一十一百九  
 年英荷齟齬，分而治之，今悉隸於英，西里伯羣島，亦為南洋回  
 教國之一部分，所有文字經卷，均為亞拉伯文，今歸荷蘭人統轄，  
 其中小國甚多，內容複雜，在南部者有三拉波尼之獨立國，北有  
 波尼王國，瓦逐王國，內有小諸侯四十，推一為盟主，儼然一聯邦

政體也。其南又有蘇本國，沿波尼之北，有魯武王國，西南有貝孔  
 下王國，都城曰平蘇來，在德爾那德者，有拉伏伊王國，托木布古  
 小國，在馬那多者，有瑪拿多聯邦，及哥龍塔羅，其餘尚有葩力吉  
 布汗耳諸小國，馬拿多聯邦，本為三十六小國所合組，後西里伯  
 羣島，均為荷蘭所統治，此外南洋羣島中，如蘇門達臘，瓜哇，腓利  
 賓等處，均為回教傳播之地，因其無關緊要，不詳述焉。

阿非利加洲回教國合記

環球五洲，而阿非利加居其一，北部古多名邦，為世界開化最早  
 之區，皆奉回教，自埃及至亞皮西尼，多為土耳其，亞拉伯人雜居，  
 撒哈大沙漠，及其附近地方，則全為亞拉伯人住之，今洲內各國，  
 尚推埃及，摩洛哥，桑給巴，為獨立，分述如下，埃及建國最古，在五  
 千年前，已設立政府，首信回教，信後有一小部份，誤奉邪教，且拜  
 偶像，謂人死精魂不散，至屍解，始再轉生，故埃及有木乃伊，即保  
 存屍體，千年不腐，母撒聖人，亦常居其地，(基督教稱摩西)穆罕默  
 德辭世之八年，西歷六百四十四年唐為大食所攻，歸其版圖，風俗

教法，於馬丕變。一百六十五年，唐德宗貞元十七年阿格拉伯，創立阿格拉別德朝，歷世之主，皆有才能，都於開羅，凡二百餘年。上下，埃及以及東至西里亞，西至的里波的地，亦為所轄。及五百三十九年，西歷一千一百一十七年薩儼丁起，始逐滅之。後有馬默路古起，統一全國，有眾數萬，勢頗強，蠶食小亞細亞地方。及土耳其興，漸為所侵。於八百八十五年，西歷一千七百九十五年法皇拿破崙攻之，旋土，一千一百五十八年，西歷一千七百九十三年穆罕默德阿立，大興海陸軍，開學為土耳其恢復，仍歸所有，鎮將穆罕默德阿立，大興海陸軍，開學校，凡百制度，悉遵教典，勢漸盛，舉兵叛土，侵西里亞，會歐洲各國，援土耳其，遂反侵地，歲貢一百六十二萬元，約為藩國，旋屬於英，於穆罕默德辭世一千二百九十年，西歷一千九百一十二年始宣告獨立。獨立始末記附後摩洛哥，在非洲之西北端，為巴巴利諸邦之一，即大食人塔立克，由此渡海入西班牙之地也。後屬土耳其，至九百年頃，西歷一千五百自立為國，開百餘年，母拉墨希默德在位，統一諸部，戶口甲於非洲各國，約八百萬人，迦太基亦為巴

巴利諸國之一，屬大食國，後獨立，九百六十八年，西歷一千五百起，復獨立，納貢於土，仰其保護，阿爾巴、度尼斯、特里波利，均為巴利諸國之一，信奉回教，隸屬大食及土耳其，千有餘年，今為法人所奪。非洲東岸，系給巴各地，自大食興，均為所有，都府漸盛，八百六十九年，西歷一千五百一十四年，葡萄牙船將噶馬發見此地，劫之，旋被國王驅逐，遂復故土，尋為亞拉伯、木斯甲、蘇丹所有，平定全國，自是累世振威四鄰，塞獨在位，尤稱賢明，改舊習，勵貿易，今猶雄於非洲焉。達夫國，在非洲東北，歷代相傳，政由君出，撒哈拉有蘇丹國，列君分攝，不相統屬，戶口有二千五百萬，西有塞內剛比，幾內亞，公果，諸國，東有索毛利亞、德亞然，莫三鼻，索發拉，諸國，多係奉回教者，總之，非洲北境，幅員廣袤數萬里，均奉回教，亦云盛矣。

附埃及獨立始末記

自民國十年西歷二十一年六月，埃及人民，因多年流血之結果

乃得英政府許其獨立，英派代表為外相加宗氏，埃派代表為當時首相阿德利巴昔亞氏，在英國倫敦開始交涉，埃及代表始終強硬，非常要求絕對獨立，不稍讓步，據當時英國方面之主張。

一 除運河區域由英駐兵外，即瑣羅阿烈基桑德利亞及其他地方，英國亦有無限制的自由配置軍隊權。

二 延聘英國司法顧問及財政顧問。

三 駐劄有特權之英國統監。

埃及方面之主張

一 英國駐兵僅限於運河區域。

二 承認財政顧問，而反對司法顧問。

三 反對設置有干涉埃及及外交特權之統監。

雙方意見相去愈遠，不得要領，埃代表遂於十一月二十日離英返國，英人不安，至十二月三日，英政府訓令埃及統監阿林比元帥，呈具倫敦會議說明書，於埃及國王傅亞特之前，其內

容，揭載於埃羅新聞紙，埃及人民大憤，急進黨之雜克魯耳派，尤為激昂，聲明英國以獨立美名之下，併吞埃及，一向宣言，盡屬虛偽，毫無信義之足憑等語。於是地方又發生示威運動，昔亞內閣，旋亦辭職，英國不得已，於十二月二十二日，發布戒嚴令，放逐雜克魯耳急進黨七人，遂惹起全埃及人民之公憤，至民國十一年，西歷一千九百二十一年一月間，前內相撒爾瓦德巴昔亞，組織內閣，恢復秩序，英亦召阿林比元帥歸國，至二月二十八日，與撒爾瓦德巴昔亞妥協案附若干保留條件，特承認埃及為獨立國，其妥協案之要點，

- 一 英國承認埃及獨立，撤廢一九一四年三國之埃及保護制
- 二 英國允許埃及組織議會
- 三 同意埃及人創設外交部
- 四 保證英帝國之交通保護
- 五 關於在埃及及外人之保護，保有權利及權力

(44)

崛起也。佛教、基督教正達興盛之度，歐洲各國崇奉基督教，亞洲各國崇奉佛教，穆罕默德非之，以為造化天地，祇有一主宰，何能假借，遂宣言：萬物非上帝，惟有真上帝。佛說三界，基督本身均受上帝創造，非受創造者，尚能自造，造萬物也。穆罕默德既受天之明命，得古爾阿尼真經，煌煌鉅典，昭示來茲，於是聲教廣被，威稜遠播，此回教之所由集其大成也。數千年來，不惟世界各大宗教，莫能為伍（指理言）即小亞細亞之猶太教，波斯之妖教，均如燭火餘燼，始終不敢與日月爭光，且將銷滅於無何有之鄉矣！此可想見回教之至理入人深焉。

回教與世界之將來

回教之聲勢，在今日世界上，一落千丈，無可為諱，茫茫五洲，求有一完全獨立之國，已不可多得，除土耳其外，所有波斯、埃及、摩洛哥，雖號獨立，或已衰敗，或方新造，均無雄強之可言，而俾路芝、阿富汗、印度等，無一不在列強勢力範圍之下，僅保其國土，宗教之名義而已，嗚呼！哀哉！迴憶穆罕默德及繼位各赫立法之神明，大

(45)  
食，土耳其，蒙古，之偉業，俯仰今昔，感慨係之，然世界之潮流，轉移靡定，世界之民族，祇有此數，挑僵李代，甲休乙興，實有循環倚伏之勢。基督教徒之盛而將衰也，回教徒起而代之，回教徒盛而將衰也，基督教徒又起而代之，異日者，基督教徒盛而將衰也，環顧宇內，捨回教徒莫屬，仍將起而代之，有斷然不爽者矣。故回教與世界之將來，有絕大密切之關係，不可據一二以為俗人言也。歐洲自大戰而後，各國均極疲敝，暮氣之深，已達極點，德奧既一蹶不可復振，俄國之紛亂，幾同滅亡，英法義亦漸露衰亂之朕兆，決難再有朝氣之回復之數國者，領土極為遼闊，統治不易持久，而亞非二洲各國回教民族，又非可以奴隸牛馬視者，一旦有人焉崛起，草澤倡言，神聖實行，民族自決，則雲集響應，當較穆罕默德之發軔為尤易也。故識者推測世界之將來，由國際戰爭，進而為民族戰爭，此亦勢所必至，理有固然者矣。至於危機何伏，因果何在，一旦爆發，究起何地，應在何時，決非著龜所能預卜。而神經過敏者，預知世界大戰之期，即在西歷一千九百三十二年，民國二

(46)

十一年，回教徒與盎格魯薩遜民族戰，越一年，世界始歸於和平，見太晤士報，此殆無稽之談，不足信也。而歐洲各國之疑忌回教，民族日益加甚，近且有創為回回禍，如黃禍之論，以聳動衆聽者，總之，世界回教之根本重地，實扼歐亞非三洲咽喉，土耳其既已日漸強盛，波斯埃及之地位，均占重要，而印度回教，又有躍躍欲動之勢，中央亞細亞乘俄國內亂方殷之際，更不啻天然授以獨立崛起之機會，時勢造英雄，英雄造時勢，運會之來，胥由天定，非人力也。吾願世界永遠保持和平，宗教永遠信仰自由，種族永遠化除畛域，則大同之盛，軌不難立致。而殺戮之慘劇，可以倖免。否則茫茫前途，哀哀浩劫，真不知伊於胡底矣！世有讀吾回教史畧者乎，當知縱橫大陸之要人，強半屬於回教之信徒，故回教有關於世界之將來，蓋可忽乎哉！

回教解惑篇

回教教義光明正大，炳若日月，惜乎流傳中國，千有餘述，天經，即古爾阿尼之著作，復少發揮教理之議論，遂致微言大義，湮沒不彰，良可慨也！鄙人有見於此，爰就聞見所及者，著解惑篇，以為不明回教真理，妄肆譏評者，正告焉。回教信仰，惟一真主，真主之外，皆其創造者也。真主無形像，無終始，無方位，大能無比，至公無私，質言之，一理而已；推言之，最高之哲學，及心理學而已。較之佛教及基督教，高談南無，夸稱天主，孰為迷信，孰為真理，不待辨別，瞭然自明。回教規律，分五大綱，一古爾阿尼經典，為回教信徒必具之知識，故不可不讀，實含有義務教育，強迫普及之意義。二禮拜，為回教規律中，最重要，最繁瑣之儀式，雖名義上，作祈禱真主之表示，而實際上，隱含有種種之妙用，此回教尚武精神之所在也。且穆罕默德為實行家，而非言論家，尤堪欽佩，而禮拜之先，必須沐浴，以潔淨身體，禮拜之際，必須靜肅，以休養心志，此尤他教之所不及也。三封齋，每歲一次，每次一月，晝日勺水不准

入口，及夜方食，此亦使人耐習飢渴，免致飽思淫逸之意。四散施，即富者施其財物與貧者，務使實惠均沾，故論者謂穆罕默德勵行社會主義，慈善事業，良為不誣。五聚會，即七日來復，聚集同教人於一堂，賡歌拜颺，以為感情之聯絡，凡此五者之外，即為飲食一端，全注重於衛生，植物無論矣，動物中，獸以能反芻為限，如牛羊駝是也。禽以有膝為限，如鷄鴨鵝是也。鱗介以魚為限，餘皆禁忌，但以上各物，不經一定手續之宰割，及確係死亡者，亦不准食。用魚不在此限，論者不察，以回教不食豬肉為第一要件，豈不大謬乎？至於回人對於豬肉，深惡痛絕者，因其污穢，且為異教人普通食品，故不得不杜漸防微耳！並無他項作用，存乎其間，此疑團之最易解釋者也。他如喪葬一節，或有譏其不用衣衾，棺槨為非者，殊不知衣衾棺槨，在中國亦為陋習，大背聖人之道。讀漢書劉向傳論，起昌陵疏言之最為深切著明，其與回教理由相同者，莫如延陵季子，葬其子於贏博之間，而號曰骨肉歸復於土。孟子氣則無不之也。孔子往觀曰：延陵季子，於禮合矣。云。

所謂，勿使土親膚，衣衾棺槨之美，均非孔子之道明矣！又如飲酒吃菸，及各種之敗行，並一切奢侈物品，均在特別禁用之列，以上所述，皆犖犖大端，特表出之，以釋羣疑，質之高明，幸審思焉！

# 世界回教史畧

本社為  
闡揚伊斯  
蘭教義特  
印得中西  
典籍二百  
餘種備有  
目錄函索  
時即寄

中華民國十二年八月出版（洋裝一冊定價大洋五角）  
中華民國十九年三月再版（郵寄費在外）

編輯者 水子立

參訂者 丁靜菴

發行者 北平牛街 清真書報社

印刷者 清真書報社

印刷所 清真書報社印刷部

總發行處北平牛街清真書報社

